



ル 5  
1571  
3



1571  
3



温州府志卷之六

公署

附積貯郵傳郵政

治事之地監司察吏守令臨民將帥講武校官課士  
羣寮雜職亦各有所專厥初本與城池同建世久年  
多不無遷移省并堂廳門序廨舍時圯時修或須增  
葺改造實政理所從出億兆觀瞻規模宜肅詎非視  
官事如家事之一乎凡屬公所如倉廩以裕積儲郵  
傳以通道路郵政以加惠窮黎皆王政最急者志公  
署

温州府

分巡溫處道署

在府治西教場舊址

**舊志**溫處二府隸浙東道各

置按察分司副使分巡往以處州有礦徒生事故常

鎮於處時巡於溫嘉靖三十年議設兵防倭專敕分

巡整飭兵備移鎮溫州為兵巡道建署

在城西南隅今為校士館

國朝康熙九年改為分巡道駐劄溫州府公署移今地

即舊

都察院署建於嘉靖二十六年者

中為大堂入為後堂為內宅為書

房前為甬道為東西兩廡為儀門為大門為轅門

溫州府治

在城西南隅

**嘉靖通志**晉太寧間建於華蓋松臺

兩山之間謝靈運顏延之典郡多亭閣園池之勝舊

志自晉至元悉仍故址至元年間重建總政堂

趙鳳儀溫

州路總政堂記總政堂者府治視事所也夫治事猶

治絲然紛者整之散者一之總之義也溫為浙左上

路領二州二縣坐總政者有監有長有貳佐領挈而

裘振也表正而影從也其總政之義歟堂始于至元

庚辰距今四十年而興創顛末無一語以示厥後子

以延祐丁巳冬來守詢吏民莫知所對作而言曰是

子責也已春秋一門一臺之微必書慎

其始也况總庶政達萬民者乎是宜記

**名勝志**郡治曩在譙樓大街正北洪武元年始以州治為衛治舊

志明初郡守湯遜改建今地

即宋推官廳署

嘉靖戊午兩廊

儀門火守鄭銘重建

萬歷二十四年守劉芳譽置文武公館林應翔有記

浙江

通志

國朝康熙十三年分巡道許重華署府殷作霖重建中為

大堂

乾隆十六年守金洪銓修二十一年守俞文漪重建

入為後堂為內宅

有瑞

景樓紅萼樓中山亭乾隆二十四年守李琬重修有記詳見古蹟

前為甬道為戒石亭為東西廡為儀門為經歷司舊有照磨所洪積庫架閣

庫龍亭庫為土地祠為迎賓館為大門乾隆二十四年守李琬捐

俸重修府署官廳兩廊吏舍土地祠大門并建柵欄東為同知宅西為通判宅舊有海防管糧巡捕理刑

四廳今併二廳前為司獄司二十七年守李琬于川堂西又置補拙堂三十年川堂東復置桂廳十餘間

清軍海防總捕同知署在府治東萬歷志舊海道司中為治

堂後為川堂為二堂為內宅前為吏舍為甬道為儀

門為大門久圯乾隆二十四年同知郭聖榮詳請重建

糧捕水利通判署在府治西萬歷志在平定倉中為治廳後

為衙堂為內宅前為吏舍為甬道為儀門為大門

校士館在城西南隅舊在城隍廟西係察院署明萬歷二

十四年郡守劉芳譽縣令林應翔改建校士館舊志

已圯

國朝改建今地即舊兵巡道署巡道已移都察院署故此處改為校士館中為

大堂後為川堂為閱卷所有寢室前為軒東西為號

殿為儀門為大門為土地祠為府縣候廳

府學教授訓導署在東南隅

鎮守總兵署在墨池坊舊王氏屋今為總鎮府

國朝建東西轅門內為大門為儀門為大堂舊名傳忠堂

康熙四十四年

御賜靖共堂扁額四十六年再

賜迎恩堂雍正二年總兵邊士偉蒙

賜御書福字奉懸堂中後為二堂為住房轅門之東為箭

廳總兵許鳳題曰觀藝亭

鎮標中軍中營遊擊署

在竹馬坊巷

舊邵氏屋今為中營遊

擊署 中軍守備署

在簡巷

舊董氏屋今為中軍守備

署

左營遊擊署

在九曲巷

舊蔣氏屋今為左營遊擊署

中軍

守備署

在屯前

右營遊擊署

中軍守備署

俱在府東寧村寨城

城守營都司署

在東南華蓋里

舊溫州府治洪武元年改衛治

國朝順治十七年為總督衙門康熙十二年改為副將府

康熙五十年改遊擊乾隆二十年改都司 中軍守

備署

在較翔巷

舊項氏屋今為中軍守備署

溫州衛屯田守備署

在西北梯華里大堂大門後房各三間

旗纛廟

在今都司署東

教場

在廣化廂舊志舊在府治西明嘉

國朝雍正年間鎮海門外潮嚙地坍塌改遷今所小教場在

譙樓

在舊衛前後梁開平錢氏始築順治年間燬康熙

李士楠李君城王家隆等上祀文昌至雍正元年

郡守芮復傳捐俸脩葺年久颶風坍塌乾隆二十二年

年衆紳士簽呈郡守李琬邑令崔錫率董事馮文煥

金珍邵志聲陳光籍王應銓等募捐各紳士高朝選

李國越張振基徐庭芝吳國清程濤等  
倡捐借眾重脩置鼓司更氣象維新

附錄

都察院 在府治西明嘉靖二十六年建  
察院 在城隍廟西明

萬歷二十四年改校  
分守道 在舊分巡署  
鹽運分司 在舊

國初 係總鎮衙門乾隆年改為營倉  
西司 在譙樓  
稅課司

在竹馬坊  
陰陽學 醫學 俱在府  
僧綱司 在普覺寺  
道紀

司 在真  
軍器局 在城西南松  
織染局 在德政坊  
河泊

所 在縣東  
今裁革

永嘉縣治 在府治東南  
嘉靖通志 治舊在甌江北晉置

永嘉郡徙治江南華蓋山西隋廢郡為縣仍舊治唐

初析永嘉置永寧縣分治江南北貞觀初復合為一

仍治江南唐上元二年置温州始立永嘉縣治 舊志在州

治東一百餘步  
華蓋山之西 萬歷志 宋泰定間縣令趙汝掄徙治

於承廳嘉定間縣令陳倬再徙於郡之行衙即舊皇

華館續又脩舊郡治居焉元至元間以縣治為織染

局二十七年復以舊皇華館初縣治二十九年改為

兼訪分司縣徙於舊酒務元貞元年燬大德元年縣

尹孫允汶復為縣治七年尹王安貞重新之延祐間

尹何玉重建明洪武元年仍舊為今治成化十八年

知縣劉遜重修通志

國朝康熙十八年知縣鄭廷俊移建大門中為樂只堂後

為川堂為後堂西有五福祠為內宅樂只堂東為贊政廳為丞宅為典史宅右為耳房庫為架閣庫前為甬道為戒石亭為東西廊為儀門為土地祠為迎賓館為申明亭為旌善亭為大門外有仁育義正二坊康熙十六年知縣鄭廷俊改曰平政曰親民乾隆十一年令邱肇熊重修大堂改大門稍東二十一年令

崔錫移門正中

署中大桂樹蔭蓋畝餘奇古異常係數百年物崔錫縣署桂樹記管子云

十年樹木百年樹人人之魁壘絕特非常可喜者或數千百里而一遇或數十年而一見蓋天之生材如是其難也惟物亦然嘗觀于尋之各材百圍之大木類多生於深巖窮谷荒遠幽絕而其耳目之前為人所愛玩者未必久存而不壞即或所從來久未必能碩大蕃滋出尋常耳目之外豈非生之之難而成

之亦不易乎永嘉縣署廳事之東偏有桂一樹天矯離奇蔭蓋匝畝近數百年物子足跡半天下見桂多矣未有若此之怪偉者考之志乘皆不載故老亦無能言其緣起者子甚惜之嘗感蘇文忠之言曰士大夫捐親戚棄墳墓以從宦於四方者用力之餘亦欲取樂此人之至情也故古名賢所至往往增飾夫臺榭苑囿之觀流連於宴衍遊獵之盛侈為美談傳之後世我

國家

澄清吏治吏皆奉三尺法惟謹而予自承乏茲土地連山海案牘紛如其於臺榭苑囿宴衍遊獵之娛不惟力不及亦勢不暇每於政治之隙遊息樹下清風自生翠煙自留婆娑一院之陰披拂三秋之爽欲如陶令北窗欣然忘食孰過於是殆造物者鍾美於是俾邑於茲土者得以息塵勞而清智慮也忍使其湮沒無傳乎樹下故有祠以歆其神既稍葺治又惜其為傳舍中物而不能久與之居也遂命工圖其形而為文記之俾來者有考焉

教諭訓導署

在華蓋山麓

縣丞署 舊在縣署東雍正十三年移駐南溪楓林管轄  
都兩社乾隆四年丞何森建造衙署頭門大堂住宅共間

西溪司巡檢署 在西溪乾隆元年巡檢祝尚智始造  
大堂內室大門各三間餘房共四間

永嘉場鹽課司署 在二都老城

批驗所 在拱辰門外

附柘溪稅課司 在三十四都今裁 中界巡檢司 在二都永昌堡今裁 象浦

驛 在拱辰門外今裁

樂清縣治 在翔雲峰下 萬歷志建自晉寧康二年縣志宋熙

寧三年令劉握重建淳熙中令袁采重修 袁采重修縣樓記縣

治有樓二外樓揭縣額建大鼓內樓以藏勅書及簿書案牘外樓熙寧癸丑令葛君逢建內樓熙寧戊申

令劉君握建予始至亟修之外 舊志 元至正壬辰火樓榜曰省俗內樓榜曰內觀

甲午令宋彥寵重建明成化十三年令徐頤復鼎新之

國朝康熙四年縣令竇三聘重葺十二年始建大堂二十

三年令徐化民重建儀門治廳曰親民堂後為二堂

為內宅親民堂西為丞廨東為典史宅前為贊政廳

為甬道為戒石亭為耳房庫為架閣庫為龍亭庫為

東西兩廊為儀門為土地祠為大門為鼓樓為申明

亭為旌善亭內有倉廩舊在蕭臺山下康熙十年知

縣出一驕建



教諭訓導署 在縣學

縣丞署 在大荆城

長林場鹽課司署 在塔頭乾隆元年重建

協鎮樂清副將署 在縣城

國朝順治十五年置康熙九年副將雷孚言始闢址建署

協標都司僉書署 在縣城 教場 在城南

磐石營都司署 在磐石城西門內

大荆營都司署 即大荆驛基康熙元年建 大芙蓉守備署 在芙蓉村

附察院 在縣治東隅 布政分司 康熙元年知縣季鳳翔重修今圯 按察

分司 俱在姜公橋北今廢 陰陽司 在城隍廟東 醫學 在城隍廟西 僧會司

道會司 館頭巡檢司 在館頭今廢 北監巡檢司 在窰

廢 天富北監場鹽課司 在白沙久廢外有稅課司在東隅狀元坊北河泊所在石

馬印嶼山 嶺店驛 即大荆驛今為西阜驛 在西隅 館頭

俱奏省 驛 在十二都今廢 窰舉驛 在十七都今圯

瑞安縣治 在城內邵 嘉靖通志 吳置羅陽縣在十二都

北湖晉太寧間徙今所 萬歷志 宋端拱間邑令何慈

始葺新之宣和初年燬慶元二年令留寅建門樓嘉

定庚午令許興裔建大廳琴堂 葉適重建瑞安縣廳

令必有宮室居處合力奉之無難也民聚而多莫如浙東西瑞安非大邑而聚尤多直杉高竹皆叢產複廂穿瓦皆贅列夜行若游其隣村落若在市廛膚撓費決或赴於令暮往而朝達也是合以奉令之宮室

居處愈無難也然予自童子見縣門甚卑狹毀置不常廳屋摧破無立人處棄而即他舍寒暑相抵突令常降氣低色慘戚不怡字民之志落如也夫華於民而儉於令豈其理固然哉豈民姑自營而不顧其令哉抑令僅自保無以得於民哉不然則期迫會促月銷歲殞而不暇也慶元二年信安留君寅始建門樓後十四年當嘉定庚午嘉興許君興裔知縣事而大廳琴堂始克並立上極旁挾比舊倍叁厚基博礎楹梅豐碩民來觀者傾動驚駭忘其昔年之陋而以爲今日之瑰傑麗偉竦踊而獨出也嗟夫宮室居處者言之無難而成之豈易哉夫以義則下衛上故靈臺之歌樂於始附子罕之扑盡其未力以仁則上安下故君之經度積累辛苦三載然後集此而猶曰不敢煩民也郭西有觀潮閣遺址平視海門衆山蔥蘢魚龍變怪爲一縣奇特惜元至元乙朱燬明洪武己未乎君既去不及謀矣

令王泰建正廳儀門癸亥令魏本建大門官舍己亥令吳從範建後堂川堂嘉靖丁酉令吳鏞重建譙樓

萬歷癸酉令周悠改創正廳建贊治受善二堂舊志

國朝康熙十一年知縣李澄重加修葺縣志今薛儁聲重

建大堂鄔銓重建儀門及各亭臺大堂後爲琴堂爲卷房爲內宅爲庫爲贊治堂爲受善堂前爲甬道爲戒石亭爲耳房庫爲架閣庫爲吏廊爲儀門爲土地祠爲迎賓館爲大門爲譙樓爲申明亭爲旌善亭治西爲典史署

教諭訓導署

在縣學

大畧街巡檢司署

縣志乾隆元年新設東至青里西至平陽南至泰順適中之地

雙穗場鹽課司

在崇泰鄉場橋

協鎮瑞安水師副將署 在縣 協標中軍左營都司署 在縣

城 右營守備署 在縣

附錄 察院 在儒學 按察分司 在東北隅集 陰陽學 在縣 醫

學 在縣 僧會司 在悟 道會司 在集 梅頭巡檢司 在十

廢久

平陽縣治 在南門 昆 嘉靖通志 晉太康年間建 按舊志

侯考 萬歷志 宋紹興間令鄭顥重建開禧二年汪季

良復建愛民堂 劉天益平陽愛民堂記 廣信汪公季

孚作堂於廳事之西名曰愛民而託君君愛民而託吏  
誠有望於無窮也夫天愛民而託君君愛民而託吏  
吏受君天之託以宅萬命忍坐視其顛隳而不救乎  
居高廣則思無廬服鮮煥則思無衣味甘肥則念糟

糠之不給聞鏗鉤則憂呻吟之無告疚心撫摩備盡  
矜但此仁人君子之至心也然世孰無是心而有不  
愛何哉今夫螻螻經於路徐行者知避蜩蝶縈於網  
卻立者思救逐麋鹿兔豕而殺之惟恐不力聞其窮  
窘迫切之聲則相顧而笑何不忍於此哉徐行卻立  
者無所利逐獸者有所欲也於戲世稱蒞民幾何不  
以逐獸之心臨之宮室之美妻妾之奉金玉貨賄之  
積取于民若易辦日浸淫以動其欲由是羅張陷設  
假威力以事漁獵竭民脂以肥百指斯民窮窘迫切  
以號呼于上者日至邈然不恤相顧而笑且樂者皆  
是也暫焉意得變典慮外向之笑且樂者安知不轉  
為深憂歟然則務廣吾愛先室所欲畏義于闇室攻  
愧于無人見得而思凜若神天夫念與神交心與天  
通則至理無蔽有生之類皆在吾仁公之清則淵澄  
冰澈直則玉折崖裂至公生明休戚洞鑒昭乎若引  
星辰而上也救災恤危窒欲去惡沛然若決江河而  
東也實惠所施民皆恃為親父母公之愛民端由克  
已得之敢原其心以詔後來為政君子庶幾欲存吾  
愛先去此元至元十八年令周忠重建元貞元年陞  
心之累云

縣為州守孫筠於廳後建公溥堂

林景熙公溥堂記  
平陽舊縣治闕壯

如牧守居其堂曰橫陽道院令尹陳容更其名曰明  
通公溥之堂至元丁丑燬越四年辛巳重建廳事及  
儀門兩廡元貞元年縣陞州改創譙樓於儀門之南  
獨堂宇未構繡衣之使省風戾止據案決事退食西  
偏觀瞻不肅大德辛丑秋太守孫筠謀于佐曰是不  
可無堂自經始至落成不浹月大備乃即舊名縮二  
字為公溥堂

建萬歷志明洪武二年改為縣十六年令糜性善復

建永樂間圯宣德九年令章惠建大門儀門東西廡

公溥堂成化七年令陳金重建正廳宏治四年令王

約重修儀門十三年令楊楷重修廳堂縣志隆慶間

知縣朱東光改後堂曰敬恕萬歷二十二年令朱邦

喜重修二十六年令陸崇禮題曰明親堂崇正元年  
令李邁種重建十七年令吳有涯重修

國朝順治十三年知縣王年重建儀門及東廊康熙六年

知縣陳宏周重建縣堂及大門二十三年知縣吳永

申修葺三十三年知縣金以竣雍正五年知縣沈瑞

鶴俱重修雍正九年知縣張桐重修儀門乾隆五年

知縣彭紹堂重修東西卷房中為明親堂後為敬恕

堂迤西為愛民堂為內宅前為甬道為戒石亭為耳

房庫架閣庫龍亭庫為六房北為守法軒南為儀門

為土地祠為迎賓館為大門為譙樓為申明亭為旌

善亭治東為丞解西為典史廨

教諭訓導署 在縣學

蒲門司巡檢署 在蒲門寨

協鎮平陽副將署 在縣城 協標中軍左營都司署 在縣城 守

備署 在蒲壯寨 右營都司署 在金鄉城 守備署 在縣城

昆陽行署 舊布政分司址後創小廳前後各三間乾隆二十四年知縣徐恕改造有昆陽行署記

附錄布政分司 在城隍廟東今為昆陽行署 按察分司 在城隍廟西久地基廢 督

糧館 在縣治東久地 證真公館 在寺西久地 金鄉公館 在衛治東今地 蒲

門公館 在蒲門所久地 雙牌公館 在五十都久地 分水公館 在久地 虎

洋公館 在三十七都久地 陰陽學 在葛仙祠 醫學 在嶺門 僧會司 在興

業院道會司 在廣福宮 仙口巡檢司 今裁 舩艘巡檢司 在十二都今裁

龜峰巡檢司 在五十都久裁 雅陽巡檢司 今裁 三魁巡檢

司 景泰三年改隸泰順 稅課司 在嶺門今革 河泊所 在九都今革 蒲門子

場 在五十都今廢 沙塘子場 在六都沙塘今廢 天富南監場鹽課

司 在十一都南監久裁革

泰順縣治 在城內鳳凰山下 嘉靖通志明景泰三年知縣郭顯

宗建萬歷志成化十八年令黃德齡重建宏治七年

令范勉修葺仍建戒石亭吏舍嘉靖四十二年令區

益重建大堂後堂土地祠隆慶間令王克家修葺縣

志

國朝康熙年令曹紳呂從姬張仕驤相繼重修雍正六年  
 令朱國源又修中為大堂後為後堂為內宅前為贊  
 政廳右為典史廨南為甬道為戒石亭為耳房庫為  
 架閣庫為東西廡為儀門為土地祠為迎賓館為大  
 門為譙樓為申明亭為旌善亭

教諭訓導署 在縣學 駐防把總署

附公館 在縣治西受 陰陽學 在公館左 醫學 在公館右 皇華館 在東

門外 洪溪公館 舊為洪溪舖隆慶六年 龍溪公館 在方

舉舖 池村巡檢司 在縣北一都寨前地後革

玉環同知治 在城中青嶺下 玉環志 大堂二堂俱五間住宅耳房廂房庫房册房及儀門大門共

四十九間又六房土地祠 禁獄 十六間

巡檢司署 十六間

叅將署 在城東青山下大堂五間二堂三間在房廂房耳房二門大門兩廊共四十三間有轅門照牆

左營守備署 在東青山下 右營守備署 在中青山下 演

武廳 在西門外 三間 火藥局 在東青山下 六間 營房共七百八十五

間

積貯 附

府永豐倉 在倉後巷共廩房入十一間 野穀 四萬六

鹽義倉 在永嘉場乾隆三十年改歸首品 承嘉縣 辨理

永嘉縣永餘倉 在永寧門內舊名預備西倉共廩房三十九間外住房三間大門一間

預備倉 在府治新街共版房六十六間  
以上二倉約貯穀六萬石零

社倉 乾隆二十四年知縣崔錫奉文起建倉版十間  
倡捐共穀

附錄 廣豐三倉 在寧村所 縣預備東倉 在習禮坊今  
內今廢 為縣城皇廟 縣義

倉 府治東民林宗領季震季  
憲黃伯鈇繆孟夏等建今廢 平芝倉 在棠

樂清縣預備倉 凡三處惟縣門倉僅存雍正五年添建  
倉版一十八間共貯穀四萬四千石零

社倉

附錄 廣豐倉 三所一在磐石衛城一在  
一在密魯一在 義倉 一在縣望來  
安店驛今俱廢 橋一在館頭

瑞安縣預備倉 在顯祐廟側雍正五年添建倉版  
一十五間每間貯穀一千三百石

豐積倉 在西北隅峴山下收貯隅都糧米給各營  
兵乾隆二十二年添建七間貯補額穀

社倉

附錄 廣豐四倉 一在北隅峴山下 廣濟二倉 在峴  
在海安所久廢 山下 平定倉

今俱廢 備賑義倉 一在城內積倉內明知縣徐鉞  
北隅集真觀正 建周悠置穀千石有記一在東

統年建今圯 便民倉 在東門外東安寺後 舊社倉  
五所一在南社鄉河頭一在東北隅一在廣豐

四倉一在五十都胡家祠一在東北隅射圃內

平陽縣預備倉 在縣治西舊預備一倉版房九間雍正  
六年知縣沈瑞鶴增造二十二間乾隆

二十年令黃槐增造三  
間每間貯穀九百石

東倉 在縣治大門內乾隆元年知縣許蓋臣  
建四十一間二十年令黃槐建四間

社倉

附錄 廣豐倉 在干戶 常豐倉 在縣  
所前 治西 廣濟倉 一在沙園城一

蒲門 義倉 一在縣城預備倉旁 一在蒲門所城 一在榆洋 一在錢倉 一在金鄉 一在南港 一在

北港 舊預備倉 一在縣治西 一在縣南 一在五都柳洋 脩賑倉 一在縣治西 一在坡南 一在五都柳洋 中常豐倉內已上各倉今俱廢

泰順縣預備倉 舊在縣治後雍正五年知縣朱國源增設於鼓樓禁前賓館土地祠之側及大堂之西共十三間 每間貯穀六百石

附錄 廣豐倉 在縣治後今廢 備賑倉 在拱辰門外明嘉靖中知縣區益改遷甚岡戩洲二倉于此 義倉 在受成門內今俱圮

玉環大有倉 在城內雍正五年建造四十間倉廳五間 頭門一間乾隆元年添建十間頭門一間 又乾隆三年樂清萬橋建倉十間大荆建倉五間乾隆七年江北雙嶼華巖浦前畧楚門四處各建倉五間頭門一間以上各倉每年分貯田賦應征條丁穀一萬九千八百石有奇秋收春糶並無存剩

常平倉 在城內乾隆二十四年建造四十間倉廳頭門宿房七間額定貯穀一萬石現在於租穀內陸續撥抵

附錄 廣盈倉 在東畧寨城久廢

郵傳 附

永嘉縣舊置驛一曰象浦 在拱辰門外康熙三十樂清縣舊置驛五曰西阜 在迎恩橋康熙元年奉裁 曰館頭 在十二都康 曰嶺店 即大荆驛雍正六年歸并 曰窑畧 在十七都雍正 曰玉環 在縣治西馬院西山下 今俱裁併 原額設人夫錢糧 惟各縣舖舍傳遞文書 有額設舖司兵役

原額設人夫錢糧

惟各縣舖舍傳遞文書



永嘉縣西路

一出瑞安門南行自總舖至南湖凡二舖

化至艾洋凡七舖通青田縣界一出迎恩門西北行自廣

白江頭至掛彩凡二舖通樂清縣界一出拱辰門北行

東行自瞿嶼至小龜山凡以府治前之總舖為最要

九舖通寧村海安二城每舖相去十里後同

總舖賦役全書府前南湖舖在十四都南接瑞廣化

舖在廣夏仙舖在二都林頭舖二十都上戍舖二十都江南

舖六都下藪舖桑溪舖小擔舖芟洋舖俱二

都西北接青田界以上即賦役全書云衝要十

江頭舖掛彩舖名舖東北接樂清界舖司兵各三

舖三瞿嶼舖九蒲洲舖八茅竹舖五上灣舖四寧村所

前舖三南門舖二都以上舖磐石舖長沙舖

小龜山舖俱一都以上舖

樂清縣二路一出迎恩門西行自添仙至館頭凡五舖

白沙至盤山凡十二舖北通黃巖縣界其自蒲岐所

前舖分路東自長山至湖務凡八舖東北通太平縣

界之總舖為最要

總舖縣添仙舖西行湖潢舖都一塘下舖十石船舖

石泉通志作館頭舖俱十二都西南接永嘉界舖司兵各

新城舖在總白沙舖大林舖俱三新市舖十四烏

石舖以上舖司兵各五都石棹舖兵十八都

檉江舖大聖岡兵四名黃山舖驛頭舖俱二十都

温州府志 卷之六 郵傳 樂清

嶺店驛前舖

大荆舖

俱各二十七都

盤山舖

都東北

接黃巖縣界

蒲岐所前舖

十四都

通志作浦

長山舖

舖司兵五名

湖務舖

名舊志自

浦岐所前舖

東經長山又

兵一名

東有三江屏峰

二舖俱十六都

有小黃山舖

係二十都

凡六舖以至湖務

路皆僻遠並廢

賦役全書樂清

衝要十九舖

縣前添仙至館頭五處

山十三處又有偏

嶺四舖長林湖務

長山浦江也長林舖

在六都塔頭

瑞安縣二路

嘉縣界

一南行自飛雲舖

南達平陽縣

界東南達沙園所

界其西南行自錢橋舖

舖西達泰順縣界

縣境舖遞共二十三處

以縣前

舖為最要

總舖及飛雲舖

總舖

縣前縣志有

解宇三間東西兩房

前屋一座

郵亭日晷司兵共九間

名新塍舖

在城北十里

岑岐舖

四都舖司

龜山舖

此舖

有一路東北

仙巖舖

七都舖

帆遊舖

一都在縣北五十里

各四飛雲舖

在十四都

即江南總舖

去縣治十里

沙園舖

在十六都

錢橋舖

在十三都

去縣亦二十里

路項畧舖

二都

五尺舖

十八團嶼舖

四都

石碑舖

三都

潘山舖

四都

戈溪舖

四都

九都

大洋舖

二都

灘埠舖

五都

三都

蒼湖舖

五都

黃山舖

五都

十里

西接泰順縣

界縣志自沙園舖

至此司兵各三

名按自城北

塘五處其自東

沿海遠永嘉界

原有東山丁田

二舖到龜山今

俱奉裁其址尚存

平陽縣三路 一山北門自迎恩至章舉凡二鋪北通瑞

一鋪通福建福寧府界 一出南門自長山至分水凡十

八鋪至蒲門所 賦役全書偏僻三十一鋪以縣前

總舖為 最要 縣前舖司 迎恩舖 在三都縣北十里舊志舊有

推官何鼎復萬全塘因省為 章舉舖 在三都北接瑞

一卽舊迎恩堂為之改今名 安縣界通志作

舖 平安 長山舖 八都 蔡店舖 在十二都 大驛舖 九

渡舖 十九都 塘下舖 十六都 橫濱舖 靈溪舖 俱二十

口舖 西陳舖 俱六都 泗州舖 分水舖 俱二十七

建界舖司 仙口舖 烽火舖 俱七 麥城舖 八都 江口舖

九都兵 包橋舖 十都 鷺鷥舖 十一都 夏口舖 二十都 官園舖

金鄉 衛前 漁埜舖 石塘舖 後衙舖 雙牌舖 俱五十

七溪舖 黃禪舖 壯士舖 蒲門舖 俱五十三都

十三舖兵 龜峰舖 五都

泰順縣三路 一東行自縣前至方畧凡十舖通瑞安縣

一西北行二百二十里至 景寧縣路皆山僻無舖舍

總舖 在縣前鼓樓西 赤坑舖 在縣東 上忍舖 陳岱

舖 洪口舖 周坑舖 方村舖 在二都縣志 林畧

舖 縣志名 白水滌舖 在三都又 方畧舖 在三都東接

舖 新塘舖 名下革舖 瑞安縣黃山

通府驛站銀數 賦役全書溫州府驛站銀三百六兩二

贍應差夫四十名  
通志載雍正十三年鹽驛道冊  
 開樂清縣均平緯六  
一十二名共工食八十三兩四  
 錢遇閏加銀七兩一錢二分  
象浦驛水夫一十四  
 名共工食銀一百兩遇閏加銀十八兩八錢六分內  
 永嘉縣徵給銀五十兩加閏銀八兩五錢二分平陽  
 縣徵給銀五十兩加閏銀十兩三錢四分其支應銀  
 二十四名共工食銀六分瑞安縣徵給西阜驛水夫一  
 十四名共工食銀一百兩遇閏加銀十兩二錢係樂清  
 縣徵給

玉環四舖 治前舖 琛浦舖 金鈿舖 隘山舖  
環

志工食俱太平  
樂清二縣支領

恤政

入于通都大

三賢聚之處設立育嬰堂乾隆十二年知府金洪鈞  
 首捐俸委紳士梁春蔡宏勳邵世錄等勸捐共收銀  
 二千四百十二兩零擇得官地一區建造大門二門  
 大堂後堂後屋東西傍屋及土地祠共九十九間周  
 築墻垣工既竣巡撫方觀承發帑銀一千兩并捐項  
 俸銀交典生息每歲又自捐銀一百兩又撥瑞安等  
 處田租以供經費刻有徵信錄一書後漸廢弛乾隆  
 二十二年知府李琬蒞任徹底清理增撥塗田遴委  
 生員陳肯堂監生金珍馮振魁等給以薪水俾司稽  
 察每月呈冊核銷積弊一清又在堂婦人大槩少乳

嬰多夭死乃創為養牛之法用牛乳代價每日兩次  
委董事監視散給兒服牛乳後壯健悅澤全活者衆

前此所未曾有也其條規刊石碑置堂內每歲租息

亦勒碑以垂後焉巡撫方觀承温州府創建育嬰堂碑

生之而或不能父母之天使父母生之而不能使父

母胥父母之則生之路窮窮則變變則通於是先王

教以轉相生比使之保閭使之受鄰使之救州使之

凋當是時也行有死人尙或瑾之惡有瞳焉新州使

之路旁者故曰大道之行人不獨子其子井里法壤

比閭州鄙之制滄轉相生者又窮而胥匡以生之責

乃歸之為民父母者而保之受之救之調之則育嬰

堂與焉

國朝既建之京邑廣渠門外而天無私覆爰奉

勅旨下其法于方州竄獨謂孤子之有養與嬰兒之有育

類也而育嬰難何者無父曰孤不必無母也人生十

年曰幼卽不盡十年而或五六六年或七八年尙可

育

以就口食故養之者月令有常餼門闕有委積嬰

兒甫出慈母之懷終日號啜微特常餼委積無所用

之卽有載稻與脂如越勾踐而亦不能哺也不能

也故口難漏澤園以哀死育嬰堂以憐生類也而育

嬰堂難何者名曰漏澤彼骨則已朽矣吾取其地之

育嬰堂

二

帝德之廣運以保于無疆可謂如天之福而教之化民也  
六舉 謙商之在官者稍貸之商而權其贏餘以半為斯堂  
接絕續乏之倫蓋不惟永嘉郡之為而郡亦與焉自  
弗替引之古所稱賈子賈女者今乃載  
大體雖失彼欲殺之我欲活之設我別無以活之彼  
必不食于殺之例有依歸則瞿然顧化古之治民者  
却天下事作始也簡其舉也必巨巨而不蚤為之所  
賦成勞也者為請于  
大體雖失彼欲殺之我欲活之設我別無以活之彼  
必不食于殺之例有依歸則瞿然顧化古之治民者  
却天下事作始也簡其舉也必巨巨而不蚤為之所  
賦成勞也者為請于  
大體雖失彼欲殺之我欲活之設我別無以活之彼  
必不食于殺之例有依歸則瞿然顧化古之治民者  
却天下事作始也簡其舉也必巨巨而不蚤為之所  
賦成勞也者為請于

天子 深於命夫豈獨不自傷其類而已凡父若母見子  
食于他也因感生愧惻然將各念鞠子之哀而思斯  
勤斯不煩官府則斯堂擔負亦可漸減而就輕太相  
元氣何必不如成周宇宙間也始以余言懸記之而  
卓諸碑其銘曰有赤而毛謂他人母匪謂他人母母  
莫我有人母何親惟

天子 茶生生衆母以食之為堂曰育嬰古永嘉郡東甌王  
國或生女子胥及溺太守曰嘻我實不德鞠人之保  
居微斯堂也焉攸適乃滅杖膳應者如堵乃賦徒甫  
作者邪許乃堂乃房乃門乃廡骨而月之有保姆真  
之隘吞不煩睥睨之是下不煩妾收夢中誰託無  
於菟者周道誰取無厭弧者弗字厥子彼氓蚩蚩今  
在下風悲前所為檀弓兩卷皆言物始弗庚續而終  
浸忘以止何以終之曰告

聖謨 歸仍其德更萬萬古稽首  
前郡守金公門堂室字周密元固在郡石之西城隍  
廟右置有金田若干畝以為孔育之資董其事者十  
六八歷今幾二十年日漸廣地丁丑夏余來守茲土

司事者以經用匱乏來告余思育嬰之

國家愛養之仁所及也有其舉之何可廢遂用告之

觀察徐公為經理之考核其田賦之發釐別其侵蝕

之原為易董董事數人出入有稽存貯有所仙不使抗

役不敢侵而董董事等亦能體余心無浮言溫之弊

予今六載綜計其出入之數足結經用而所以豐備款

之資亦畧有餘裕日出其美以佐書院之役余非有

心計持籌之術而惟以實心處之律任事者各盡乃

心遂覺視前之左支右誑者迥乎不侔亦可知事之

舉廢惟視此任事者之當否以為有無也苟可例以

所入者即貯堂內使常得其人則可苟非其人則侵

那虧缺之弊從茲生矣今使入者皆貯于公庫而出

則按冊支放庶乎人絕朶頤之念物無漏卮之虞而

可以垂之永久第其所恃者塗田皆在江濤海溢之

中向使滄桑無定乘隙為奸則將歸之烏有而莫可

如何茲復刊其冊籍于石使後人可以按數而求則

一藉以存余心于無既也附年乳哺嬰規條一買

牛到堂每日喂豆三升大米一升草宜到細將米豆

細細拌勻令牧人以時喂養則牛隻自然曠壯買牛

以犢小者為佳一每日早晚後用磨碎豆乾伍升

半米五合同細草逐一拌勻分兩次喂之喂畢將牛

牽出乘涼飲水一遍日西牽回仍如前法喂飼點燈

後再用米一升煮稀粥飲之使乳水易生一每日

擠乳務在五鼓令牧人牽牛至厰所須要耐心靜氣

時擠時歇切不可一擠了事或乳水不至即牽小犢

砥啞其乳則乳水自下矣然擠乳亦不宜過遲以致

喂失其時一熬乳宜用銅鍋安放爐上將乳汁傾

入鍋內用微火熬之視乳汁上起有皺皮色微黃為

度方可取食熟則養人生則令人瀉腹一每日熬

乳熟後即令乳姆抱嬰上堂按應分之乳以匙緩緩

灌之各姆帶回房內首事仍不時周流稽查倘乳姆不

令各姆帶回房內首事仍不時周流稽查倘乳姆不

實心調養致小兒常常啼哭或將乳私育已子及自

已偷吃等弊立即逐出午後亦如前法行之至晚煮

稀米湯分給以備小兒夜間食用一吃乳小兒十

月以內者日則分給牛乳夜則灌以米湯不得仍前

以乾飯喂食如希圖偷減牛乳仍舊踵此弊者將乳

姆逐出十月以上者不在此例一牛隻口齒過老

則乳少汁薄應視一二年後如牛出乳甚少即令變賣另易肥壯母牛充用至料豆必須乾燥其法用大磨畧為磨碎令于堂內鍋灶之旁另砌一炕與灶相連下砌風洞使灶內火氣灌進則灶自溫煖可將料豆攤炕上焙去潮氣便易磨碎至喂牛碎豆須用水浸泡盆內豆面約浮水二三寸許將對細稻草和水豆并米調拌極勻方可

喂食草要對細越細越佳

附育嬰堂歲八銀穀額

士民捐編田并續買編田	集雲廟五畝八分	九
都一畝四分八厘三毫	十一都一畝四分一厘四毫	十四都三畝八分九厘七毫
都二畝	十六都三畝三厘三毫	十八都五畝二分二厘五毫
都二十一畝	十九都六畝二分二厘七毫	二十二都一畝七分二毫
都五畝	二十一都二畝四分	二十四都四畝四分一厘
都五畝七分二毫	二十六都五十一畝六分四厘六毫	三十二都一畝五分六毫
都一十二畝	二十七都五十一畝六分四厘六毫	三十二都一畝五分六毫
都一十二畝	三十二都一畝五分六毫	三十二都一畝五分六毫

都共田一十畝八分二厘四毫此係塗田每畝五斗以上共田一百八十畝五分一厘五毫

計額租穀一百九十七石八斗五升四合

永邑三十五都蘆田老嫩全共二百六十九畝一分二厘零每畝租銀三錢

又三十年新墾并文溢一十二畝五分零

又箸否老塗二十七畝六分三厘二毫九絲每畝五錢

又十二盤嫩塗一百一畝九分三厘二毫每畝三錢

三十六都江中念切誠求四字號原又塗田五百五十六畝五分三厘三毫三絲一忽

內除一十六七九等年塌壞田三十畝五分二厘九毫零

是存田五百二十六畝三毫五絲七忽內三十一一年又被冲塌若干係分收租穀

三十九都塗二畝二分八厘四毫每畝三錢三十一一年成田

樂邑士民捐十三都塗田三十三畝

瑞邑一二兩都捐鞭田九畝零

四十二五五六等都種稻田共一千九十畝八分三厘三毫每畝二錢

又種雜糧田一百六畝八分九厘一毫每畝二錢

又接漲種雜糧田七十五畝四厘五毫每畝二錢

以上各邑共塗田二千二百四十一畝八分四厘



零俱係坍塌無定 永邑士民捐店基 西南八總店基三間 西北六

總店基一間 十都三里屋基三分 十里油車

確一所 本堂置造堂前左側小店四間 生息本銀蒙

撫憲方 發益義倉項下商捐銀一千兩 又義堂餘

剩銀一千三百五十兩 二共本銀二千三百五十兩庫平發交郡城十

生息按月每兩一分五厘每年計息銀四百三十三兩

二兩遇 閏加息

永嘉養濟院 在來福門外縣志

明洪武八年建 惠民藥局 官府遇歲疫令醫生

開局於城隍廟施藥 永嘉義塚 萬歷志一在西北城外厲壇側一在廣

河洲邑人副使王叔果拾一在

黃田一在石魯邑人林祥拾一在十八都荷花山下

義民黃鐫拾一在八都沙窈娘永嘉縣志義塚在厲

壇下 國朝 康熙十七年知府王國泰率屬捐置

李象坤義塚 記在翠微山郡司李稽宗孟倡率捐置按續置義塚

一在集雲廂地三畝五分知府王國泰置一在集雲

廂地三畝同知甘國奎置一在廣化廂地二畝知縣

金德孚置一在太平嶺地八畝知府芮復傳置一在

淨社寺地九畝副使吳士端知縣金廣培置并捐田

六畝五分一在淨社寺地三畝生員方鴻綸拾一在

君子峯丁地五分署府袁學謨置一在甌浦地九分

總兵施廷專知府金洪銓置一在太平寺後地九畝

七分零副使朱椿置一在珠浦嶺上

山十畝周六十弓郡守李琬置

太守李公經理義塚實政 永嘉縣案初溫郡官民

捐有義塚數處副使朱椿又與紳士共捐銀一百二

十三兩以供掩埋之費但章程未立經費不敷暴露

者所在皆是大守李琬蒞任惻然憫之於乾隆三十五年詳明鎮道協捐銀二百兩合前共三百二十三兩交典生息又撥三十六都老虎影塗田一百五十畝歲取息以供經費於飛霞洞側蓋廠屋四間為匠人製棺及存貯之所僱土工八名選董事一名專司掩埋捨棺等事撥船一隻每十日土工將收貯棺骸幾何報明董事同往點驗即督令掩埋月底報明典史同首事親往彙驗每季終典史彙開二摺一報本縣一報本府以憑查核建碑亭于飛霞洞側條規並勒碑陰後來者能永遠遵守實力督察亦仁政之大者也

永嘉縣知

縣崔錫詳明酌定條規一土工每日給銀二分董事每季給銀二兩匠人每製棺一具給銀六錢二分土工以六名輪值扛擡掩埋之事以二名攜帶篋索鐵鑿在于城隅河畔檢收勿殤小棺及朽露枯骸并令十日一輪以均勞逸其骸骨近水而去義塚路遠力難肩回者即以所置船載運一掩骸埋齒原為無主者設其有朽棺須憑地保查係無主者始行移埋有主者不得混移其有有主而詢係貧不能葬願赴義塚者一例收埋一暴露之棺或底蓋未全損向可幫扶者須備草索數丈小心捆縛抬埋不許傾損其骨包日久霉爛者外加蒲包好為收埋其包索俱令董事備辦按季彙報支銷一凡掘坑掩埋總以坑深三尺加高二尺為度不許苟簡至于扞埋須一字挨排自左至右一行莖蒲方及次行其貧不能葬之地棺雖許附入義塚但可插標祭掃不許于閑曠之地自行擇穴一捨棺查係孤苦窮民及路斃乞丐方准給予先刊發兩聯印票交典史收貯如遇需用保隣先報董事轉報典史請給典史查明于票內填入都圖保隣姓名交董事憑票發棺票存董事處彙報請銷仍嚴禁捕衙胥役不許需索畱難

副使徐

綿碑記百昌生于土而反于土惟人亦然人之生也  
 有屋宇以覆其形死也有墓埋以妥其魄無異情也  
 設生而露宿野處上兩旁風無所障蔽必不能一日  
 安其身記曰之死而致死之不仁而不可為也在昔  
 聖人達于幽明之故通乎人鬼之情故大司徒以本  
 俗安萬民燮官室之後即繼以族墳墓族師之聯比  
 間而相保受者必使之相葬埋至于蜡氏掌鼈禁又  
 著為令曰若有死于道路者則令埋而置榻焉此所  
 謂以不忍人之心行不忍人之政者也考諸傳記若  
 越得防風之骨漢徵貳負之尸可知聖帝明王雖于  
 元惡大愆尚不惜一杯之土况生不盡嬰罪戾特以  
 無主後而聽其散棄于原野榛莽若古詩所云白骨  
 不知名縱橫莫覆蓋是宜仁人之所恫心今漏澤園  
 之設不知始于一區而規制未備太守郡頗缺前觀察朱  
 公曾買地一區而規求甚悉次第舉行因念掩骼埋骸亦  
 教養諸大政講求甚悉次第舉行因念掩骼埋骸亦  
 仁政所不可緩方經度其事大總戎吳公聞而善之  
 與予並捐俸為倡守丞暨五縣和之合前朱公所捐  
 共得銀若干兩貸商出子錢又撥田一百五十畝為  
 置懋及他費用然後募夫以供其役擇僧以董其事

而月計歲會則縣與尉筦其凡焉議既定復于  
 乞余文紀其事余以為惻隱之心仁也仁者生而  
 不息生既滅而猶不忍使失其所仁之至也而金猶  
 慮夫人情善謾以為枯朽之物凶穢之餘其鬼不靈  
 羣焉受若值而怠若事不且虛太守之德意乎哉雖  
 然是何慮人之欲善誰不如我太守以仁物為心而  
 奉行者各心太守之心則必覈其實而省其勤無有  
 侵漁墮廢之患不守惟是凡厥庶民聞風興起豈無  
 慕義強仁者亦各心太守之心相與助其費而不若  
 于時誦舉贏且拓其地使繼此有所容是生生之理  
 相衍于無窮也夫怨厲消則清和集行見四培之內  
 仁風翔洽風雨時而百穀用成皆自此一念之不忍  
 感名矣爰勒諸石俾來者有攷  
 其他條理節目之詳具載碑陰云

一義塚在西門外廣化五堡翠微山下

福建汀州府八

者無歸建義塚以停柩乾隆十五年公捐買基地一  
 片糧號計霜字六十七號基二分四分毫六十八號基  
 一畝五分一毫六十九號基九分九毫中建屋二堂  
 后安土主東西停柩建小屋二十間續因寄頓過多

于乾隆二十八年 商復集衆議重捐增造忝停柩  
 前後共四十六間廳堂井灶紙爐墻垣  
 畢具其停柩之處編有親朋游屋水旅櫬聚甌山暫  
 寄他鄉外應隨故國還柩停于斯地限滿十年間干  
 秋雙塔峙男女各分安字號又設骸骨所一間左設  
 普同男女二塔其寄頓棺柩分別有無嗣續議以五  
 年十年燒化骨石置于塔內規條詳載于後前太守  
 俞觀察李俱有碑記郡守俞文漪碑記嘗讀詩以死  
 喪之戚爲兄弟孔懷至良朋一則曰永歡再則曰無  
 戎豈交情竟以生死殊哉蓋古之人不輕去其鄉歿  
 則含飯牖下小殮戶內兄弟靡不在側哭於寢門之  
 外禮也似與兄弟有問耳若過都越國而客死他所  
 旁無期功之親誰肩窀穸之任則生同里而遊同方  
 者自不得辭其責焉此義塚之設亦猶行古之道也  
 閩汀山多田少食指殷繁輒不能株守故里方且遊  
 吳楚人巴蜀逐什一之利以謀生矧夫浙閩接壤東  
 甌在望懋遷而來由來久矣其虛往實歸立基業而  
 回故里者固所不乏而年深月久命運不濟病且死  
 於蕭條旅館間者亦若而人當斯時也骨肉遠離家  
 鄉何在護襯而歸則登山渡海維艱停棺于野風雨

飄零堪虞汀人士日擊心傷詒於衆購地爲義塚俾  
 得歸土之安而無意外之患昔郭元振以資錢四十  
 萬助人葬范純仁遇石曼卿於丹陽詢知其三世未  
 墓概以麥舟助之千古傳爲盛事今義塚統一郡之  
 未能歸葬者悉資其助不與古人有合助耶且吾於  
 是而望禮讓之可復任卹之益敦何也挾計然之術  
 者莫不權子母而折秋毫雖至戚密友輜銖亦形於  
 色觀於義塚乃知白骨難歸黃金何有且解囊襄事  
 死後財所贈倍於生前亦爽然于計較刀錐之無謂  
 而臨財克讓矣人之家居也鄰里鄉黨且休戚不相  
 關或至老死不相識而往來何論同郡觀於義塚舉一郡  
 中未聞姓氏未識面目者皆動以春露秋霜之感勝  
 於洽比婚姻之舊遠者厚矣近者反薄必有怒焉難  
 安者今而後仁厚施於里黨亦情所必至也在力行  
 古道者永矢弗諼焉是爲記觀察李琬碑記周禮秋  
 官蜡氏掌除飀凡有死于道者則令埋而置楬焉  
 書其日月縣其衣服任器于有地之官以待其人先  
 王澤及枯骨慮也綦詳所謂興哀于無用之地施德  
 于不報之所也然當其時有封建以限有井田以業  
 民尚安其土而重去其鄉今四海一統民數百倍於

古則生生死死于異地者雖仁政有所不及周而惟  
 侍鄉鄰風俗之美敦睦任恤之誼相與哀其窮而  
 平其憾已爾溫州西門外廣化五堡有義塚焉是閩  
 汀商人公建為汀人客死者計也構屋二十九以停  
 棺建塔二座以埋骨待以十年者體生者之情仁之  
 至也十年後即火化者恐無地可容且安死者之魄  
 義之盡也吾聞汀故閩之名區界連楚越士皆嚮文  
 學而重節義今即牽車服賈之儔亦仁心為質如此  
 豈不足以風薄俗而警懦夫也哉前守俞公先有文  
 紀其事其言最為懇摯會商人來請文勒石予嘉其  
 義因撥俞公所未及者書以貽之其翔建規制之詳  
 具列碑陰云一塚內創屋二十九間以為停頓喪  
 柩之外砌普同二塔收拾骨石一塚屋每間編一  
 字號凡柩入塚停頓某號登記簿內以便稽查一  
 停柩在塚者務將某縣某處居住保何姓名并有嗣  
 無嗣一書記棺上照書登記簿一簿何姓無嗣者議  
 以五年為期有嗣者議以十年為止過期並無親人  
 省視即燒化入桶懸牌書姓氏于上以便查考一  
 每年冬至日僱工四名收化年滿骸骨入桶務要代  
 為登明姓氏以便稽查一年滿應化之柩務宜查

清柩簿預開姓氏懸牌佈告以便寄親人自裁  
 一燒化入桶後既懸牌書姓氏于上再停桶五年以  
 俟伊子稽查領回如五年之外無人認領者概行入  
 塔一停柩于塚須確是汀郡人氏方許寄頓如有  
 詭詐冒混者查知即行外徙一塚門匙鑰及義塚  
 號簿俱交天后宮首事管如有柩停塚者先向首事  
 說明登簿然後取去匙鑰至安頓後仍將匙鑰交還  
 並註明號簿係停於某字號第幾匱外再付銀三分  
 交執鑰者不時啟閉一議棺柩姓氏簿一本鎖匙  
 一把存宮新舊首事輪流交代

樂清縣養濟院

在縣東北石塘畧口

樂清縣志今改為

國朝康熙三

年重建惠民藥局

明成化十五年立

義塚

萬歷志正

今葛覃擇依山之地

慶六年令胡用賓丈量

覆實止存五處其一在石塘

畧義民蔡慷拾推官官賢有記一在湖山畧一在三都小溪下圍洋官山脚一在二十二都東林堂基一在十四都下堡普照庵基

瑞安縣仁壽院

縣志在清泉鄉橫山宋名安養院元名孤老院明洪武四年改名養濟院每孤

老一名月給米三斗柴三十斤夏紵布冬綿布各一疋病差醫調治有官廳三間東西住房門屋一間牆周圍萬歷甲戌年令周悠改建於東門外舊便民倉址

國朝康熙二年司李稽宗孟

義塚

縣志宋崇寧間置漏澤園紹興間立義塚明洪

武三年設義塚嘉靖間合劉畿查置二十一處國朝康熙二十四年令范永盛捐資復置一處

有三處一在十二都橫山一在十一都白井一在十都華表山一在十二都橫山一在四都徐坑一在四處一在六都塔山一在窄坑一在七都魚潭嶼一在六都楊府廟後一在十五都陳埭一在宋埭一在十六都李埭一在高沙頭一漲西鄉三處一在二十一

都花亭洋一在宋水堆一在河尾洲 集善鄉四處一在二十五都南山一在董山一在二十九都麻關

頭一在三十都懺堂 以上皆舊置惟二十

平陽縣養濟院

在鳳畧明成化年建宏治五年令王嶽重修

仁壽院

在東門外康熙

元年郡推官稽宗孟建為 惠民藥局

在嶺門今廢其

遷民所居後遂為孤老院 址改為桑果園

育嬰堂

在縣城北門西首乾義塚 萬歷志一在一都

在五都栢洋一在二都金山為一在二都賜鑒新庵貢生陳志燦置一在廣福宮側署令金鰲置一在靜海堂吏員姚森榮捐置一在金家庄生員陳際清捐置一在官洋一在江南知縣徐恕置一在金鄉耆民溫懋理捐置一在四十都一畝八分林章夏等捐置

泰順縣養濟院

泰順縣志舊在陽春門外雍正五年令未國源改建於縣治後疾苦易於周恤

義塚

縣志舊凡三十三處周圍繞以墻有門今漏澤園在拱辰門外手洋坪去城五里又三洋坪及

上忍洪坑在坊隅 一都三處曰墩頭口霧露口曰  
 大路坪 二都二處曰吳桂寮曰龜巖後 三都四  
 處曰占坵曰深頭曰林巖下曰排前底 四都二處  
 曰洪頭嶺曰上洪山尾 五都二處曰戩洲曰峽嶼  
 六都三處曰泗溪曰亭側曰章坑 七都四處曰  
 洋望神後曰三魁嶺頭坪曰仕洋水曰下巖 八都  
 二處曰雅陽官路  
 亭曰富洋後灣

温州府志卷之七

學校 附書院 義塾

人才必由學校東甌自宋名賢輩出盛得洛閩之傳  
 經術才猷文章氣節若周許劉戴吳張黃婁王薛陳  
 葉蔡林諸子赫然為一代偉人明初猶有卓章二公  
 忠直可貫金石固人材淵藪也論者動謂廟學法制  
 非古不足以成教育豈其然乎在良司牧能振興師  
 儒能化導爾書院義塾亦黨庠術序遺意宜附書焉

志學校

温州府儒學 在府治 東南

聖廟 東西兩廡戟門泮池櫺星門崇聖祠明倫堂東西兩齋尊經閣祭器庫宰牲房及各宦鄉賢二祠土地祠

廟懸

聖祖仁皇帝御書萬世師表額 康熙二十二年 碑刻

先師孔子贊及顏曾思孟四配贊并序 二十五年

御製訓飭士子文 四十一年 十哲增朱子熹 五十一年 廟懸

世宗憲皇帝御書生民未有額 雍正三年 廟懸

御書與天地參額 乾隆三年

御製祝版文 乾隆五年 十一哲增有子若 乾隆六年

兩廡從祀 先賢中雍正三年復入遠子瑗林子放秦子冉顏子何四位增入縣子直牧子皮樂

正子克公都子萬子章公孫子丑六位先儒中康熙五十五年增人范子仲淹雍正三年復入鄭子康成

范子甯增人諸葛子亮尹子淳陳子淳魏子了翁黃

子幹何子基王子栢趙子復金子履祥許子謙陳子

結羅子欽順蔡子清

陸子龍其共十七位

崇聖祠 舊名啟聖祠雍正元年追封五世祖為肇聖王高祖為裕聖王曾祖為詒聖王祖為昌聖

王父為啟聖王易祠名三年配享增入張氏施一位已上各縣學俱同不復載

事實嘉靖浙江通志晉太寧初立永嘉郡學於華蓋

山麓宋天禧三年知州葉温徙故九星宮址以為今

學治平二年火熙寧初知州周延雋徙州治西南元

祐五年知州范岫復今所紹興十年又火知州程邁

建 舊志程邁重建做太學制右為廟曰大成之殿後為閣曰稽古左為學中為養源堂兩廡翼以肄業

之齋庖廩具列 嘉定七年知州留茂潛修 葉適温州府學記學立於紹興初積



久盡毀嘉定七年雷公茂潛來守既修崇之食增田焉告諸生曰時節廬廩苟厚其養而已若夫本原師友必納諸道德太守職也昔周恭叔首聞程呂氏微言始取新經黜舊疏挈其儔倫退而自求視千載之已絕儼然如醉忽醒夢方覺也頗益衰歇而鄭景望出明見天理神暢氣怡篤信固守言與行應而後知今人之心可印於古人之心矣故永嘉之學必兢省以禦物欲者周作於前而鄭承於後也薛士隆憤發昭曠獨究體統興王遠大之制叔末寡陋之術不隨毀譽必撫故實如有用我療復之方安在至陳君舉尤號精密民病某政國厭某法鉢稱益數各到板穴而後知古人之治可措於今之治矣故永嘉之學必彌綸以通世變者薛經其始而陳緯其終也四人邦之哲民也諸生得無景行哉夫學不自身始而曰推之天下可乎雖曰推之天下而不足以反其身可乎然則妄相融會者零落而不存外為馳驟者羸鄙而不近矣雖然未至於聖人未有不滯於所先得而以偏受為患者孔子進參與賜示之道皆曰吾一以貫之豈非無本末之辨而欲合門人同異之趨哉今觀曾子最後之傳終以遵豆有司之事為可畧是則唯

而不悟者自若也子貢平日之愧終以性與天道為不可得而聞是則疑而未達者猶在也且道無貴而苟欲忽其所賤學無淺而方自病其不能深乎諸生側聽轉相語自學官及父兄皆請予筆授元延祐間總管趙鳳儀重建舊志延祐元年八月火十一月建大成殿櫺星門三年建明倫堂五年建養源堂并齋六鑿泮池立橋其上又立稽古閣鑿一鏡池至正丁酉颶風閣廢趙鳳儀養源堂記余來永嘉領郡事學之講堂迥成遂以明倫名之其後小堂三間扁以養源不忘舊也苟卿氏曰君子養身源清則流清善哉言乎夫源泉初發本體清澈蒙以養正聖功乃成甚矣源之不可不養也明倫於講貫之地養源於遊息之所夫固各有攸當焉二扁書法清勁翰林待制趙公筆其先遼太師衛國公盧龍人延祐五年春記稽古閣記郡學禮殿後有重屋名稽古閣藏書之所也廢久莫之省矣余至郡之明年春議重建至秋落成進諸生而語之曰爾知所謂稽古之義乎先儒有言天下之書愈多而理愈昧學者之事愈勤而心愈放詞章愈麗議論愈高而德業事功之實愈無以逮乎古人是孰使之然歟為

學不知修身窮理以稽聖賢之心而徒事紙上空言  
 以為古人之稽在是豈今日建門命名之意哉永嘉  
 學問淵源自儒志王公後有元豐九先生淳熙六先  
 生俱以性命道德傳二程朱子之學予既載之郡志  
 以為此邦文獻之徵而稽古之閣適成斯文一脉倡  
 和翕合若有默相于其間者予雖責在敦勸安敢以  
 扶植作成自任惟  
 私竊自喜云爾  
 至正末兵燬萬歷志洪武四年郡

守湯遜重建成化丙午郡守項澄修文廟建明倫堂

嘉靖志云治十三年知府鄧淮增修舊志擴學舍濬

年易大成殿曰先師嘉靖十三年知府郁山建明倫

廟建啟聖祠敬一亭嘉靖十三年知府郁山建明倫

堂王激修府學記甲午秋七月九日颶風折木拔屋

公宇為墟郡庠傾壞師生靡所止居日且廢業有  
 教化斯民之責者早引為已憂矣欲謀更新之會時  
 歲復不穰民苦力役之征有司乏歲杪之美是歲冬  
 水軒郁公以秋官大夫出知郡事校官陳君志謙等  
 率諸生以狀上且言曰宣德間饗宮之壞也滋甚何

公文淵實勤茲役至今猶嘉賴焉繼何之蹟豈異人  
 任敢以累公公曰吏治以教化為先其敢以時誦為  
 解明年春乃謀於貳守高公郡倅魏公節推劉公調  
 度經營罔愆厥素不掠於民不病於政乃新文廟作  
 戟門廟左仍舊址作明倫堂堂之南作學門左作養  
 源堂廊廡齋以次修葺踰三時工乃竣郡之冠紳儒  
 士樂觀厥成乃嘆曰壯哉居乎邦君之績也子盍誌  
 之予曰何哉今所謂壯者夫自古聖人以上棟下  
 宇奠民之居蓋取諸大壯思聖人制器尚象之義惟  
 士為能而民是則倣故牆必高門必固堂必廣室必  
 邃紆巷而長砌曠院而奧寢此器之壯也所以壯於  
 其外也居以養德動以由義陟降出入率履不違長  
 幼尊卑羣居而相視以為善此理之壯也所以壯於  
 其內也水軒公之惠於士者勞矣甌士朝而出焉暮  
 而入焉羣聚而相與習者惟德是從惟六藝是游遵  
 邦君之教而求以明先師之道雖容膝之居亦壯矣  
 若夫朝而出焉暮而入焉羣聚而相與習者惟勢利  
 是從惟逸樂是游則是居將為虛器會百工之肆不  
 若矣未見其所謂壯也甌士其勉乎哉自何公以至  
 於今由茲地而顯者賢不肖歷歷可數而勢之隆赫

不與焉繼是以往諸士去其所以為不肖而就其所  
以為賢則後之視今猶今之視昔論者以水軒公與  
學於何公有先焉則茲役稱壯於永遠而予萬歷志  
言亦藉以傳矣公曰予志也請書之為訓

萬歷七年郡人參政王叔臬重建堂舍李維禎重修  
溫於浙稱雄郡有學舊矣歲久就圯里人參知王

賜谷公歸而更新之殿廡門堂齋閣廨舍有益無因  
闕門之前衢樹屏九斗兩江之勝可攬纈也先是學

異方山有浮圖高入雲表形家目為文筆颶風拔之  
公倡里人修焉計後先資出公者踰千金學日增勝

士絃誦日增博士弟子員周生子恭林生良棟徐生  
啟英如千人不遠千里走使使楨記其事楨謙讓未

遑也蓋十年而門人郝君敬為永嘉宰復申其請乃  
甫為之記口昔周公治天下家有塾黨有庠術有序

國有學司徒樂正司成大小胥鄉遂州黨之屬其官  
備矣五典六德六行六藝四術之屬其科條詳矣叔

世政教廢格而孔子用之於魯自宰中都為司寇攝  
相事靡非周公遺法卒以讒見奪天下莫宗然而退  
與弟子講易刪詩書考禮正樂作春秋其徒三千人

豈然者七  
室而聚之  
德問業非  
察謂孔子  
講業儼然  
而後世學  
立精廬號  
二弟子而  
焉而莫覺  
學政秦中  
公王公學  
之斂而施  
尊之為耆  
為鄉老公  
當嚮風景  
國家所以  
有道也士  
則欲裁魯  
於鄉國用  
其本旨以

訂其生平及門受業之凡耳非羣之一  
時也洙泗杏壇孔子家在焉士就而考  
約室以並為塾庠序學之制也俗儒不  
八行天子事而其緒正六經與羣弟子

者以國之學宮所養士為不足恃更  
內周官師而為政不亦悖哉此義不明  
言院而名致生徒處之國有二師里有

言舍官師而惟是之從天下方且爭趨  
焉孔子之心幾不白於天下矣往予督  
廷論以曉譬人未有應者乃今見之王

於家所以睦宗族仁鄉黨其政非一士  
而奉之如著蔡周禮士大夫有德者使  
其人耶假令公別築宮而召致士士

而公第被飾孔子之宮不遺餘力若曰  
豈士自有地也孔子所以垂憲萬世自

不之有餘師耳孔子進則欲一變魯退  
厚者眷眷父母之邦沒而後已王公

願學孔子者  
舊志萬歷三十一年

府學

邑人王光美 重建尊經閣

光美即叔杲子修閣祀文  
昌於其上陳公相為記按

舊志明時福 養源堂時習日新  
博文約禮 稽古閣學倉後廢

國朝康熙十一年 巡道許重華 護巡道陳遇 主率屬同修

戟門教授李 卓率諸生黃芳卿等重修尊經閣二十

三年巡道 懋緒諸定遠相繼率屬重建

先師廟

學道張 知府王國泰汪廣同知魏裔懋通判任  
右君永嘉 知縣申奇美本學教授金大起訓導胡

煇各 二十五 知府汪廣重修明倫堂 汪廣碑記畧  
年為上元甲 詔天下郡邑咸葺孔子廟庭振

典文教余以 寒來領郡事瞻謁宮牆竦然起敬已  
而詣講堂則 歌弗之葺也明春上丁聚師儒議

聽其傾可乎 王慮上之不可散處也爰立之學聚  
俊秀朝夕於 茲講習聖賢之道月吉讀法申明孝弟

之義以廣教 化厚風俗正人心典綦重矣况東甌風

稱小鄒魯扶 輿清淑之氣鍾秀於學宮在昔人文甲

第冠浙東今 則明倫之地漸圯何以興起後學無惑

乎科名寥寥 風俗人心之千古若也亟謀於廣文金

君大起胡君 煇計木石版築樸斲埴埴聖壤丹雘之

費及工幾何 捐俸率先相度而重新之維士與民樂

於趨事不日 而幸觀厥成師儒講學既有其地吾意

濟濟多士陶 淑其問望輪奐重光聽鼓鐘復振必將

爭自濯磨處 焉端人正士出為碩輔名卿媿美前徽

不亦見 聖世立學右文之 盛規乎康熙丙寅 月 日記 五十八

年教授凌雲 續修雍正十三年民居火延及廟祠盡

燬巡道吳士 瑞知府莊柱清出廟壩為民居舊所侵

地 四圍曠地已復火衝水井計基地七畝八分七釐  
三毫墻圍外餘地二弓學宮前臨河隔岸東西俱  
有曠地舊為 朔望行香各官駐 乾隆二年道府率永  
興馬處今東 時向係民居未復

先師廟請發帑金二千兩內外門廡祠閣煥然一新復即

敬一亭舊址

萬壽亭為朝賀之所十六年訓導童基移建尊經閣於學

之巽位舊在明倫堂左側上祀文昌形家言人文所

梁春等移在王執玉有在十七年教授王執玉率諸生補建

泮池橋督學彭啟豐碑記畧溫於浙東稱雄郡

為文筆以學規模甲於他郡自雍正十三年燬於

火甫謀修學請於上官領帑金五千兩委貢生邵

茲十力圖興學工將竣而陞任去廡宇堂舍翼然咸

世錄等學新惟泮橋未以振興學序於是教授王執玉率諸生

方屬意文學命季元震等命捐助補建泮橋余命規制畢具進諸弟子而告之日學宮

遍天下而人材出其中教化之行浮天浴日之鄉皆

聖澤

光被文明矧溫自右軍康樂開導文教而後人材輩

出至宋有元豐九先生淳熙六君子俱得性道之傳

比戶絃歌彬彬稱盛士子之蔚為時彥者當不徒為

記誦詞章而已

乾隆三十年訓導朱葉瑛重建尊經閣于明倫堂左

名宦祠在廟門外左祀晉王羲之宋謝靈運顏延之

環宋胡則劉述揚潘洪擬高世則張九成樓鑰楊簡

印應雷趙帆鄭剛中元趙鳳儀崔履謙明黃信中王

全何文淵劉謙王允杜英尹宏蕭鼎文林黃釗區益

簡承芳潘士藻蔣光彥林繼衡馬魯卿劉公允楊師

孔劉之籓修國維陳丹赤葉又生范承謨朱昌祚李之芳顏光敷許重

國泰王騰

鄉賢祠在廟門外右祀宋王景山陳侃周行已吳表

臣葉許景衡劉安節劉安山仰沂戴述薛

府學

彌宋之才黃友張闡蔣元中林季仲薛徽言陳鵬飛  
 鄭伯熊王十朋錢堯卿陳傳良徐誼薛季宣徐瑄蔡  
 幼學薛叔似戴溪葉適王允初周端朝葉味道陳埴  
 王致遠徐熾夫林景熙元季完澤金德潘養頤明卓  
 敬梅頤潘巽張文選劉清黃淮章綸鄭璘楊思敏朱  
 良暹周旋朱謐張漢黃祿王贊葉珽張孚敬朱文簡  
 陳璋葉式頃喬王一夔張遜志王健王德王叔果葉  
 承遇王叔杲孫滄張崇翰葉世德張遜業吳寶秀侯  
 一元王繼明張德明張汝紀周尚文劉康祉邵倬翁  
 家春王光經項維聰王杰張陽春王光蘊王光美李  
 炯林德昭林必成陳廷孚何白李光春陳堯言王維  
 夔周應期張天麟張純趙新  
 國朝謝包京史尊  
 朱誦天埔  
 射圃在舊小  
 教場在舊小

東山書院在城東南積穀山之麓 舊在華蓋山宋王儒志先生  
 講學之所久也

國朝雍正壬子巡道芮復傳移建於此即謝靈運故蹟傍

山築舍依石為門有講堂廨舍為肄業地前繪靈運

像內祀儒志先生左建文昌閣通志舊傳謝靈運讀書故址巖石上鐫白

雲春草四字前為謝治旁為池上樓奇峰古木為城  
 南最勝雍正八年巡道王斂福建康樂祠三間九年  
 巡道芮復傳捐俸千金購民地闢為書院由謝祠入  
 徑顏曰名教樂地中為閑存堂三間後為靜虛齋齋  
 西為進修軒軒前有池池上屋三楹題曰可條壘磔  
 入門峭石壁立上有仙泉味極甘冽樓榭廊廡齋舍  
 庖福具備次年落成又於山巔重建留雲亭捐置塗  
 田二頃供諸生餼膳以垂久遠芮復傳留雲亭碑記  
 積穀山之建留雲亭說者謂亭當郡巽位宜壯麗以  
 收王氣而余之意則又在於書院也按積穀山一名  
 飛霞因東漢劉根隱此乘赤霞至天台訪紫靈君得  
 名書院不以積穀名而以東山名者仍舊額也余既  
 買地拓書院基構講堂濬池闢層軒環築書舍延師  
 以課兩郡來學之士漸置膏火業公暇與諸生考論

久而不倦山之勝甲一郡而書院坐茲之千巖笏時  
 一水虹繞秀木美箭森蔚檐際又有仙泉出於豎巖  
 石穴旱不涸雨不溢近學士李公清植校士東甌大  
 加激賞以為紹鵝湖之石井云第逼於地無舒眺處  
 山頂向有亭名留雲後改東柄久壞於颶風余因謀  
 重新之以補書院之缺書院距亭不百武夾道皆松  
 盤折而上嶺半構飛廊於巖隙周以曲檻為駐足地  
 面西山而日色不下一得來木之蔭也亭堅緻與大觀  
 亭相倣而山之幽奇過之諸生當風日清明時陟其  
 巔四望心寬洞然凡江山之流峙雲物之變幻足以  
 洗滌塵襟使器識益以高明義理益以沉實惟茲亭  
 之助故曰補缺疑者謂學在心不在境昔朱子於武  
 夷白鹿皆擇山水最佳處豈無意哉茲役後書院二  
 載是為壬子春季越三月工竣存古名易今名書院  
 計費錢五十萬亭約四之一皆出自俸餘不以擾民  
 吾恐後之人以吾效謝公遊屐否或以吾惑青鳥家  
 言而失造就人材以為地靈之本故揭而告之書巡  
 院未有記今併書於此使貽後考渠陽芮復傳撰  
 道朱椿興復乾隆二十四年繼任徐綿知府李琬永

嘉縣知縣崔錫次第重修

建掬月亭於山麓徐綿興復東山書院序余奉

簡命

觀察甌括兩郡凡山川風土政俗民物皆得於周巡

聖澤

歌舞康衢矣士者民之表率也乃進膠庠而問之則

樸僊多而炳蔚或不足夫瑤琨誠美追琢為章竹箭  
 雖筠羽繪必飾文之不稱無以輔其質而或并無以  
 存其質也余滋感焉山左蓮塘李君先余來守甌郡  
 余諮度之固已先有是心思為振勵謂東甌向有東  
 山書院宋儒王儒志倡學於此人竹鴻慈號稱小鄒  
 魯明業以來師資漸失共傳又為嶺海所限士不負  
 笈業苦拘墟今將鼓舞之非興復書院不可江海  
 峙之門往往有浮沙聚沚可耕而獲時為黠民所據  
 特其洒滴無常不可以入編籍若以江海自然之利  
 充

國家樂育之資

定則攸宜余深允而亟趨之今茲一載  
 有餘倉田計粟綜要治凡約得師生膏火之資著為  
 成規以垂後既為各憲所嘉予而於予心亦有深  
 慰焉夫書院者或以擬於家之塾黨之庠而其益實

不止此也民之秀者能為士今將拔一郡中士之秀者而聚而教之則雖止此數千百人者苟得遜鼓篋於國工書熾行於師氏將見一人規言矩行而一里熏陶其德一士說禮敦詩而一邑趨步其風其所及者又豈止一家一黨而已耶今諸生之在書院者必將濯磨砥礪為明體達用之儒彬彬乎質有其文上可以備

國家掄才之選而不以僻處一隅甘域於自鄣之風是則予與良守之所深望也夫季琬興復東山書院序書院者所以輔學校之不足也古者家有塾黨有庠州有序國有學其教之者衆而習之也親故教化易行而人材懋後世州郡立學校其尤者而升之選登其籍課其藝而甲乙之其於羣萃州處之益耳提面命之方尚有缺焉唐宋以來始有書院嵩陽嶽麓白鹿應天為四大書院而鹿洞鵝湖為朱陸講學之地自是以來時有建立然猶未廣也我

朝直省各立書院給發帑金以資膏火於是鴻儒碩彥皆出其中哀然舉首蔚為國華猗歟盛哉其他州郡亦或創或因文教休明同風一軌東甌瀕海之區宋需王儒志先生倡學東山元豐淳熙間號稱小鄒魯

有明以來院建華蓋峯之巔年久傾圮今東山書院乃前道憲芮公創於積穀山之麓而仍儒志之名然而臯比之座虛懸堵墻之觀闕若絃誦無聞科名不數不殖將落能無懼乎余於丑夏奉

命來守是邦職在風上竊以振厲人材為急務越明年今道憲三韓徐公來巡甌括命余籌布之廼為之周諏經畫詢之邑宰紳士咸以江海之中有沙塗淤漲可資經費雖浮漚聚壤莫非天地自然之利與其為桀黠者所攘何如剔抉之以為樂育之資申請大憲咸以為可因即酌定師生官役各費勒為成規申明凡例更進諸生而告之曰書院之設非徒以獵取妍華侈張聲譽如終南捷徑北山草堂也夫成材之道為學之方古人具言之矣或因經以明道如濂洛閩諸賢或因文以入道如昌黎廬陵之選今之書院亦欲諸生因文以見道也自坊本流傳競趨風氣經史遂成僻書典籍度之高閣皆井無泉枯枝不葢言之無文行何以遠故必決經之心綜史之蘊乃久之則義理日新而其於善也如芻豢如膏梁志氣日定而其於不善也如猛虎如鳩酒杜武庫所謂優而柔之使自求之至於渙然冰釋怡然理順則文在是而道

學校 書院附



亦在是矣由是發為文章秩秩條條又何患青紫之不可拾哉夫有體則必有用所以備國家馳驅之選黼黻之才者匪異人任前輩如梅溪水心其經濟文章又豈不同條而共貫耶然則諸生果能自離經辨志以至於強立而不返處為醇儒出為偉器亦即守土者所以仰答

簡畀之職於萬一爾

予茲有厚望焉

中山書院

在府城東北隅

乾隆二十四年知府李琬興建因

東山書院地形卑隘別擇地創建于城東北隅鹿城

書院傍中山之麓名曰中山書院而以東山書院舊

舍為童子學共基地十畝二分遴紳士陳肯堂金珍

李敷華方純一王繩武監造前建講堂七間中曰精

勤左曰大雅右曰修道上為閣祀文昌左樓五間右

樓十間為肄業地左右耳房各三間廚房夫役房共

十餘間傍山鑿池作三亭為遊憩之所勒所置之田

於碑陰委訓導朱葉瑛監理生員方純一王繩武董

司其事

督學侍郎錢維城中山書院碑記各有異而實同說有是而實非不可不察也古者國有

學術有序黨有庠家有塾皆學也今郡縣各有學京師有太學皆官為給食或賜田太學則有膏火郡縣

學則有廩糧有學租以贍貧乏國家養士之厚如此而賢有司之留心教化者往往擇高

等弟子員與民之俊秀則立舍以教之名曰書院書院與郡縣學其教一也所謂名異而實同者也癸未

秋予試士温州閱郡志見李維禎郡學記曰周公立學科條備矣孔子家在洙泗土就而學焉非創為室

也俗儒不察別立書院名致生徒舍官師而惟是之從于是國有二師里有二弟子夫孔子未嘗創學室

是也而以書院之設為國有二師非也教不本于先聖先師而流于異端曲說雖以一人為之猶二師也

不然雖千百人猶一師也維禎蓋惡夫當時王畿李贊之流而不知其立說之過此不可不察也溫州舊有東山書院在華蓋山雍正王子巡道蒞君復傳移建積穀山未竟而罷今巡道鐵嶺徐君太守斟城李君力興復之別擇地中山鳩工庀材逾半歲工畢名曰中山書院而以東山故址為童子學凡舊田之為吏民所隱者釐而出之於是有學舍有廩餼五縣之士弦誦其中旁及他郡嚮風而至可謂盛矣夫教化治之先務而俗吏忽之宋光廟時謝司諫守永嘉下車數月責民之私公田不應令者歸之學闔郡驚嘆陳傅良記之謂吏方急他務而謝獨加意學政以為難今二君之為治其與司諫何如也惜郡志不載謝守事而予又無傅良之學言無足取重聊以維楨之說論列之如右

又中山書院題壁記癸未秋九月予試士括蒼時浙東觀察鐵嶺徐君太守斟城李君方復立中山書院既各為文記之且郵寄其緣起而屬余序以試事亟未果越十餘日抵溫郡茶謁畢已與諸生會講于明倫堂循故事也諸生以次序講辭何獨不然古之為文辭者皆以明道非若今之為

文辭者也然今之為文辭亦何獨不然夫所謂文辭者非徒求工于字句格律之間揣摩勦襲以為弋科名拾青紫計也

國家設科目以取士亦非欲得若輩而用之也然而卒不廢此者蓋將以規其實焉孔子曰德之不修學之不講是吾憂也聖賢垂訓切于日用不能引而近之與一身之言動及天下之事相發明不能得其解即得矣而憑虛索渺無所依據所謂思而不學則殆也諸生所云蓋循時師之說比附敷衍于聖人講學修德之道無所得無所得即不能發揮于文辭以求效於事實其為文必不工工亦不適于用非

朝廷立學校設科目以取士及賢有司興復講堂延名師以振起文教之意諸生其戒諸既以告諸生退而錄之以質二君俾書之書院之壁而別為文以應其請副使徐綿記蓋為政以人才為先而人材必由造就而始盛此書院之所以設也

國家于省會之區各建書院而郡邑中則視司牧者之得其人而有以振興之故舉廢恒不一既郡舊有東山書院在華蓋山本宋儒王儒志先生講學之所久也雍正壬子觀察芮公移建于積穀山之麓而經費鮮

資名存實去乾隆丁丑壽光蓮塘李君來守是邦慨然以造就人材為己任已卯余承乏分巡君咨于予而興復焉且置塗田若干畝歲收租以供師生修饌膏火之需申請上憲勒為成規既而兩郡之士負笈來遊者日益眾顧其地僻處城東南隅院址逼于巖麓燥濕不時君慮其湫隘爰經營相度卜吉于中山之陽中山雖一小阜而山勢合圍水流環繞形家咸謂靈氣所鍾實郡城之主山于是鳩工庀材經始于壬午之仲春閱十有二月落成崇閣靚深凡講會之堂肄業之舍俱建層樓于上左右則輔以大雅修道兩堂後築亭池長松偃蓋繞徑陰森以為息游登眺之地而一郡書院遂得媲美省會之區厥功偉矣余考書院之設昉于唐而盛于宋而東甌之人材亦莫盛於宋維時遊于程子之門十有三人遊于朱子之門十有六人登進士科者一榜無慮數十登賢良方正宏詞孝廉諸科者于今姓名可考得三百餘人其他行誼之美學術之光復難更僕數宜乎虞文靖公目為杞梓茂林鳳麟靈囿也今

功令以五經四書義取士而傳註悉宗宋儒余願諸生以宋儒之學為學講明而切究之則經史百家之籍其

源流條貫精粗是非瞭然心目之間由是發為文章所謂醇而後肆者也以之應世固不失萬一于甲科則施諸人舍則修諸已將見人材之盛與宋抗衡豈不休哉余故記之以進諸生且以見李君為政能知所先凡司牧者皆宜取法也

宋儒王儒志先生講學東山創書院于華蓋山之巔道學淵源從茲振起歷明以來傾圮已盡

國朝雍正間觀察芮公建書院于積穀山之麓而仍東山之名規模畧具但無師生膏火之資迄今三十餘載寂如空谷久絕誦聲丁丑夏余來守茲土竊以振勵人材為念越明年道憲三韓徐公以巡旌駐郡亦同此志命予籌畫之余乃清釐舊款撥置塗田經營者三載始得延名師主講席給膏火予既序其事而以鼓舞造就之意詳而鑄之以示多士顧其地逼城闈而迫巖址蒸濕湫溢且負笈者絡繹至舍宇數椽不足以容乃為周巡相度得爽塏于中山之陽山在郡治之東北隅高廣不十數武而含精蘊靈氣象寬博郡山環拱大江繞流真有恢擴襟懷領畧衆有之槩土則墳起而澤泉則清駛而甘坐中山而面西山

之峯曰君子蓋峯之特秀者乃以經費所贏建講堂  
 五間曰精勤層以高閣軒豁混朗萬象在目右樓十  
 舍左樓二十舍整潔鱗次其前為門兩重左右廂各  
 具後蔭長松虬幹鱗枝垂陰振響輔之以旁舍若干  
 間然後自甌及梧士之跂踵至者可以稱藏修之所  
 矣夫古者處士就閒燕蓋清遠閒曠之區燕適優游  
 之地可以從容其氣體而專一其心志則學業之成  
 未必不有藉于其地者今也遠嵐霧以安其体居高  
 明以達其志形和氣適氣靜神清聰明日以啟而精  
 神日以勵觀摩砥礪進而有成則即以是為士所宜  
 處而或可以上紹儒志東山之蹟也第膏火之資特  
 有塗田恐久之而有侵漏之虞爰細核其籍記之碑  
 陰使後來者有所考以不附書院田額永嘉縣廣化  
 失此日經營期望之意云  
 畝零五厘每畝徵銀四錢温平八都二里塗田六  
 十二畝二分六厘二毫每年分收租谷內地十七畝  
 四分八厘二十都太平嶺下塗田二十四畝分收  
 租谷卧旗山塗田五十四畝零二厘八毫每畝徵  
 銀三錢温平又嫩塗十五畝每畝徵銀二錢二十  
 一都與頭塗田一百零五畝五分四厘三毫

畝徵銀三錢温平 二十六都小旦塗田十一畝二  
 分八厘一毫每畝徵銀四錢庫平又鞭田七畝分收  
 租谷又地二畝三分三厘九毫五絲八忽每畝徵銀  
 四錢庫平又沙塗一百三十七畝每年丈實分租  
 二十九都菰溪田十畝零每畝收穀一石零 三十  
 三都卧旗山塗田十一畝八分八厘八毫每畝徵銀  
 三錢温平 江心寺後塗田二百六十八畝八分八  
 厘七毫五絲又老塗西北兩處新塗四十畝均每畝  
 徵銀五錢庫平又沙塗一百五十五畝俟高阜種稻  
 日丈實徵收 上村塗田六畝一分三厘分收租穀  
 永寧菴鞭田地基石山共三十二畝一分一厘又江山  
 寺田地共十四畝六分七厘零田每畝穀六斗地山  
 每畝收租錢一百四十文 靈橋草塗九十五畝零  
 每畝租銀三錢庫平白塗六十畝黃沙五十八畝零  
 俟高阜插草日徵租 三十四都羅浮塗田六十四  
 畝六分五厘每畝徵銀三錢庫平又明巖頭塗田五  
 畝一分又三港廟前草塗八畝每畝徵銀三錢温平  
 又塘外草塗二十畝零每畝徵銀二錢温平 下林  
 塗田一百三畝六分零每畝租銀錢庫平 三十  
 五都箬畧鞭田一百六十三畝每畝徵銀五錢庫平

學校 書院附 十四

又草塗十一畝六分白塗三十餘畝每畝均徵銀三錢  
 風埠塗田九畝八分每畝徵銀四錢温平  
 十六都江中文行忠信四字號塗田五百七十畝零  
 分收租谷又東首塘外田二百二十畝零又南北塘  
 外田一百五十畝每畝俱徵銀三錢庫平  
 塗頭田七十畝無租老虎影塗田共二百九十畝  
 零分收租谷又東塘外塗田二十八畝照例分租又  
 草塗四十畝零每畝徵銀一錢庫平  
 笕基塗屯田二十  
 畝零每畝早交谷六斗晚五斗  
 笕基寺田一百四  
 十六畝五分每畝徵谷八斗五升  
 寬舉山原額田地  
 四畝一分五厘每畝交谷七斗  
 共二千四百畝丈實現種田三十一畝二分每畝徵  
 租二錢庫平又上則地三百二十三畝二分每畝徵  
 租二錢又中則地二百九十九畝六分一厘每畝徵  
 銀一錢五分又下則地三百六十一畝三分三厘八  
 絲四忽每畝徵銀一錢  
 善兒頭非萊舉山田共二  
 十一畝八分八厘零每年共銀六兩零六分八厘四  
 毫二絲五忽又地一千六十七畝六厘六毫七絲四  
 忽每年共徵銀二百五十七兩九錢一分零  
 樂清  
 縣十三都石龍頭地原額共九十八畝九分五厘一

絲六忽實存中則地二十八畝八分一厘五毫九絲  
 九忽每畝徵錢二百六十六文實存下則地五十六畝  
 四分三毫一絲一忽每畝徵錢二百一十文  
 都石臻塗田二百四十二畝二分每畝徵錢四百二  
 十文  
 瑞安縣蕩園三百二十七畝內九十四畝每  
 畝徵銀三錢庫平二百三十三畝每畝徵銀五錢庫  
 平  
 今據詳有二十六  
 畝五分零  
 縣九都塗田一百四十九畝每畝徵銀二錢庫平又  
 熟園十畝每畝徵銀六錢温平  
 十都田九畝五分  
 每畝徵銀三錢庫平  
 十一十四十六三都共田四  
 十五畝每畝徵銀三錢  
 五十三都大山門園四十  
 三畝五十五都北關山園五百零三畝九分二厘俱  
 每畝徵銀  
 永嘉三十五都南舉陳家坑山一片栽  
 樣杉木程雲文看管基艸任地民所用  
 二錢庫平  
 鹿城書院  
 在城東  
 舊志明宏治中郡守鄧淮建祀温  
 儒從二程者十一人從朱子者亦十一人從南軒者  
 一人  
 吳寬鹿城書院記浙水之東惟温為上郡非以  
 其物產之美山川之秀也以其地人才之多耳

學校 書院附  
 七五

人材之多或以事業文章在他郡固無待于外此則所謂道學自守名教自樂求乎內而無待于外此則所謂道學之士而非人所能及也自宋濂溪周子繼孔孟之學于千載之上傳而為河南程子四傳而為新安朱子並朱子而生者為廣漢張子道學既傳海內風動士相慕悅莫不奮迅而起往往負笈掘衣不遠千里以得登門為幸講明道誼羞稱功利可喜之事辨質性命不惑佛老似是之言所謂事業文章乃其餘事久而轉相傳授或私淑諸人其多不論也當是時溫之士于四先生之門皆有足跡以其數計之合二十有三人噫可謂盛矣自宋歷元至明三百餘年凡事業文章之焜耀者郡中尚能道之顧于此諸人若不知有其人幸其名氏言論散見于諸書者昭然猶在所以惠乎民者既無不至閒考諸書竦然興嘆曰此邦先哲之盛如此而吾守此土居士民之上于一夫有善尚當表揚之况多賢如魯者乎且祭法勤事捍患者亦祀之况有關於世教者乎此其責不在我而誰永嘉令新安汪君循好賢方切乃奉侯之意擇地于郡之鹿城躬自計度創為書院作堂若干間中奉

泗先生傍則諸賢列侍像設既完版位斯置其氣貌若相接其警欬若相聞儼乎函丈之間師弟子之相授受也又闢館舍若干間使士之學于斯者居之其規約仿白鹿洞而行其所以勸乎人又無不至者適侯與汪君以公事至京事畢偕來請記竊當觀孔子設教于洙泗之間一時弟子莫非齊魯之產惟陳良一人自吳而來孟子之時北學于中國者亦惟陳良一人自楚而至惟廐去閩頗邇其學于朱子亦宜若去洛則遠矣何程門諸賢之多不減于閩耶吾是以益嘆其盛非特當時不能及而已矣為此舉固出於尊崇先哲之意然所以望于後學者尤多蓋四先生世不常有而其書則常存學于斯者出而升堂則仰而挹其清怡之容入而讀書則俯而探其精微之旨以守義理以樂名教以無愧于鄉之諸賢安知後世無賢守令者為俎豆其間哉按吳寬鹿城書院記載從祀諸儒共二十三人從程門者十一人從朱門者十一人從南軒者一人攷舊志及失子全書語錄問答程門十三人周行己許景衡劉安節安上戴述沈躬行鮑若雨潘旻陳經正經邦謝佃一名天申及經邦弟經德經郭朱門十六人陳植葉味道周瑞朝林

溫州府志 卷之七 學校 書院附 三

武戴蒙錢木之徐寓徐容沈憫蔣叔蒙包定之廷顯道敏道詳道平陽志所載林湜蔡懋南軒門一人局去非附萬歷十六年郡守衛承芳重建二十四年郡識于此

守劉芳譽新之

國朝乾隆二十年知府俞文漪率衆重修建講堂

督學都憲雷鉉爲記以序其事

碑記東甌鹿城書院有四賢祠祀二程子朱子及南軒張子也以東甌賢士多從四賢遊者不忘其淵源用興起後學故列從遊諸君子配享之位也多歷年所兵燹後僅存數椽且近朽蠹余祇謁怒然與太守俞君永嘉令崔君商所以復之既而教授王君執玉進日邑明經吳國清願膺是役而明經林翔鸞梁春賢裔戴鸞鶴咸量力以飲之及期年木石甃瓦塗墍月獲重造一新規制加擴前爲祠後爲講堂統名鹿城書院如舊稱于是嘆先賢遺蹟易以振興不憂來者之無人也夫四賢之道如日星惟忠泊于嗜慾

俗苟安如適越而北轉郡行而求及前人耳今日者瞻望門牆拜趨堦城有慨然慕奮然興者乎王夫木石甃瓦塗墍丹雘幽有貧而莫能與者有志之士就此慨然奮然之一念天之以必往持之以不息知悖此卽爲自暴舍此卽自棄讀書以擴其識見飭行無慚其衾影有不克而能起之後人者乎且相觀而善切磋鼓舞勿晒爲也勿畏爲難安在繼起之人不如當日從遊之盛乎况既躬親拮据以有成者又素皆克敦行誼之士豈不教其子弟而徒爲觀美之具乎是則使者與守令而儒諄諄屬望之意也

永嘉縣儒學 在縣 萬歷志 元祐三年令吳君平始建

縣學於今址紹定間令洪甫於朝後建堂元縣令蕭

玉末也先王安貞相繼改建嘉靖志延祐元年尹

何玉趙搭納重建 柳貫永嘉縣新學記溫州治永嘉今永嘉縣亦有學猶黨庠遂

序之異名而何以化民成俗  
 城東陬華蓋山下延福門  
 殿又三年令王君寅作門  
 塗聖未底厥功越十四年  
 字敬叔繼至諗於衆曰暨  
 以之道而學其器也聖師  
 授圖簡材庀物士薦其齋  
 齋十六楹間而自殿及堂  
 雷陞祀之當加冕者成致  
 俎應式宿有次舍限有垣  
 目具美不陋不奢既釋道  
 完游歌之徒亦稍集矣然  
 來請文表示學耆蓋古之  
 始入學而皮弁祭菜學人  
 本善而所以磨揉遷善  
 樂治之功政何適而  
 見大節踐大義山開  
 事勸其功人人有尊君  
 志夫已仕之事即未仕  
 政自爲政教自爲教則

爲義也永嘉舊學在府  
 煇明年令何君玉作禮  
 無講堂基構初立而墜茨  
 爲至順幸未令趙君搭納  
 實有民庶而能教則有教  
 之吾敢不飭於是擇日  
 上售其巧凡新作絃誦之  
 以關窻瓊之當綵飾者庭  
 以我致其工像繪合章尊  
 痛族庖計廩位置左右觸  
 成君復諗曰今庠舍苟  
 則學豈徒器而已乎乃使  
 學必有先聖先師之祀自  
 而奇雅肆三以夫人性  
 其成者猶有待於禮鎔  
 適而非道士生斯時  
 入謹仁讓之習樂其  
 之心故曰官先士先  
 亦各有其義焉惟不以  
 學以範民無非道器之所

蜀舍器而論道是謂誣道  
 志方篤於自修其爲永嘉  
 之爲務泮宮旣作而魯侯  
 毀而子產之仁益信謂我

吾不謂之道矣趙君學古  
 用期月耳獨汲汲焉惟學  
 之德以明鄉校不萬歷志  
 丞于辭豈知言哉

洪武元年郡守湯遜令  
 珪創先賢祠因闢地通

宣德間毀於颶風邑人戴

文堡林斐黃福昌同建

正統三年令周紀修

黃淮永嘉縣學記 登溫  
 爲上應北斗城東曰華蓋  
 麓人咸宜之廟學建有年  
 頽敝滋甚前守何公文  
 陞擢之命未幾復爲風所  
 就歌仄正統丁巳春今太  
 鳩工庀材擇日興作知  
 廟兩廡改創文昌先賢二  
 學門之左闕三月訖工  
 屬筆爲記淮聞地因人

城內外有九山晉郭璞以  
 星之次爲文曲縣學在其  
 興廢不一近歲颶風大作  
 經理修葺功將就緒而有  
 守劉公謙來視學謀於衆  
 于中門之右興文祠于  
 實有是言吾壽巨儒如宋



王先生景山子伊洛未嘗  
周恭叔劉元承元禮皆  
葉正則之宏博蔡行之  
料敵其餘更僕不能盡  
茂林鳳麟靈囿豈非地  
朝培養之深恩承郡邑  
斯為無忝必以禮義廉  
以就其德器朝益暮習  
期杞梓鳳麟始將復見  
豈待華蓋文曲增輝三  
成化十八年令文林

關地重建明倫堂宏治十  
年令林廷璣購地重建令

汪循成之李東陽永嘉縣一顧其舊址後偏道院

前迫民居既隘且敞不  
堪圖為改作拓其故而  
尋擇貳蘇州不果畢而  
成之於庭之前為戟門  
為堂及左右齋旁為號  
為儀門而學成又為名  
嘉賢二祠於學之兩偏凡

木石瓦甍之材金碧丹堊  
綵繪之飾繩殿剝斲構結  
幾築之用選堅擇良精極  
壯麗數十年之陋一凡為

浙東嘉靖十七年令李丕  
顯重修四十年廟門及啟

聖祠圯四十五年巡按龐  
尚鵬郡守李廷觀令程文

著重建萬歷六年邑人副  
使三叔果捐資重修

永嘉縣學記永嘉縣儒學  
歲久損敝明倫堂為獨甚  
請士子謁堂請修治顧帑  
未遑也已卯冬堂且圯  
鄉先生廣東按察副使西  
華公叔果有事學中徘徊  
久之捐謂師生幸有先大  
夫之餘貲雖未盡修其急  
者于學堂宇以及階序門  
墮俱煥然大改其舊凡四  
月而告成費金以百者三  
既迄工教諭周君炳正與  
葉生嘉遇林生承都等  
議記子惟王公亦猶行古  
之道爾古之人以身為  
禮樂綱常之所寄也故公  
之于天下其有行也恒為  
天下謀不為身謀出其智  
為天下慮輸其力為天下  
勞捐其財為天下用未嘗  
以入己彼此限也故分所

得為義不容已即教然以身為之而無所退讓也况  
于學者乃其終身所有事者乎禮大夫七十而致仕  
老其鄉里大夫為父師士為少師歲事畢則羣餘子  
下學而教之猶里胥鄧長之傳農也以至任其道德  
會於成均之法為瞽宗之樂法而後已然則與有教  
學之責者寧忍委諸州長黨正而不為之所乎是役  
也非異人任亦舊志萬歷十四年令蔣行義建文昌  
祠在學後華蓋山三十二年叔果子光蘊光薦加修  
郡人何懋官記

廟廡學堂尊經閣名宦鄉賢祠令姚永濟記

國朝康熙八年颶風作盡拔明倫堂廊廡教諭樊遇諸生  
黃象鼎等以學租重建十七年訓導蔡啟份重建儀  
門副使高培知縣鄭廷俊造省牲所二十一年教諭  
王維新訓導蔡啟份暨東廊砌甬道右見舊志康熙

二十三年知縣申奇美教諭勞大與訓導蔡啟份重  
建

先師廟創朱文公祠紳士林兆斗等倡建按康熙年訓導朱禾雍正

年教諭林標重修明倫堂乾隆八年知縣邱肇熊請  
帑率進士陳王綬等倡捐重建

聖廟及廡堂署貢生邵世錄梁春等董理規制宏壯有

射圃

名宦祠在廟門外左祀齊蕭景岳吳會宋仰仁謙霍

周紀文林劉遜林廷熾汪循黎存信彭占祺方  
升周琬朱潤李丕顯齊譽陳其志國朝馬瑒

鄉賢祠在廟門外右祀宋王景山周行己劉安節劉

蔣元中鮑若雨薛弼戴述林季仲張闡薛徽言蔣行  
 簡鄭伯熊丁昌薛嘉言薛季宣張淳王柵葉適周  
 端朝葉味道戴溪陳植吳樂戴彬薛叔似翁巖壽胡  
 子實陳昉林武陳虞之戴何徐瑄修圭一陳大紀陳  
 宜中陳自中元季完澤明梅頤黃淮朱良暹王淵朱  
 濫潘畿張文選劉清鄭麟楊思敏周旋張漢黃祿王  
 瓚葉挺張孚敬葉式項喬王健朱文簡王德張遜志  
 王叔果葉承遇王叔呆侯一元孫滄張遜業葉世德  
 朱邦彥季承本方以正陳堯言王維夔周應期張  
 純張天麟何白國朝謝包京史尊朱謝天埴

浮沚書院

局行已宅名浮沚詳古蹟後改為書院今圯

永嘉書院

舊志在府城西南淵源功宋淳祐壬子王提刑致遠陳資講南一建趙守師籤立坊

表之中奉先聖燕居像東室祀伊洛諸子西室祀鄉先賢周許二劉鮑敬亭等春秋次丁釋菜元旦冬至行禮後增祀葉西山陳潛室王存樂每月朔請鄉先生王講席元至正三十一年憲副王傑郡守夏若水重建講室四齋今廢

雞鳴書院

萬歷志在文廟西邑令林廷瓛建萬歷十四年令蔣行義重建二十四年令林應翔

重修改日文昌會館今廢

芙蓉書院

在開元寺郡人侍郎王瓚讀書於此今廢

勅建貞義書院

在五都姚溪郡人大學士張孚敬未第時溪澣讀書及入相奉勅建院名

貞義堂名抱忠今廢又舊志郡城榮恩堂右有松臺書塾

甌江書院

在拱辰門外江澣

柵溪義學

在楓林乾隆年縣丞何森倡率里人徐元常等建

習禮塾

在習禮坊巷舊名永嘉縣義學乾隆年重建改名

德新塾

在府城德新坊宋朱聲建延師設教又薛氏有雅俗塾皆郡為立坊又周太傅東山塾在

謝池巷

丁昌期經行塾在通道橋陳鵬飛少南塾在五馬坊鄭伯熊城西塾至今稱學堂前仰忻孝廉塾

在解元恭張輝草堂塾在城南廂其最著者南湖塾  
在城南茶院寺東毛密延陳止齋講學蔡尚書葉水  
心陳潛室繼之右  
皆在城見舊志今廢

吹臺塾在吹臺御末吳滌建後為郡守楊簡所禮易  
名慈湖塾又戴氏有菰田塾在僊居鄉五十

二都陳順辰有茗嶼塾在  
清通鄉昔見舊志久圯

樂清縣儒學在寶帶橋南二十步萬歷志唐時在望來橋東南宋

治平間令焦千之修增堂廡學舍焦千之樂清縣學  
記古人為政未有

不先庠序之事者蓋教化所由出而陶染乎風俗使  
至於善有助於政其功甚博非今所謂科舉之習而  
世俗之學也然其所主教導則有師氏之責日談詩  
書禮樂之訓孝悌仁義之行淳愚勵昏為智為明昂  
之於先王之道而習於君子之事夫天下小事欲有  
所成猶須專之矧庠序之事不專而欲成難矣庠序  
為成人設也苟規矧不嚴訓導不篤則為害甚於所  
益皇宋治天下文物可謂盛矣獨樂清之邑舉進士

無數人百年之間未有登第其風俗之陋不已甚乎  
而其學又不獨教化之廢其福迫隳敝不足容諸生  
春秋之祀不足通奠謁民之耳目未嘗識絃誦宜乎  
友推之風墜而不振者久之于是予以縣之蔬圃易  
民隙地退徙講堂以圖軒豁而諸生行事便於肄習  
別構議道堂於其後以為諸生講論游息之所又為  
奕室以為先生之燕寢凡豆邊之不足簠簋之虧壞  
悉完治之始予之來也民之訴訟盈集填委日治其  
訟猶且不暇加以權酷關征廩庾之職晨馳夕驅蓋  
亦勞矣所謂古人之所先者反不暇及明年始得新  
其學舍博求所謂師氏者曠時而不可得七由不遠  
而至者無所受業焉予甚愧也且以予學之鄙又以  
不專之職而欲變其百年甚陋之俗雖童子知其必  
難然則時入與諸生談道義講解經籍而諸生未免  
科舉之習為世俗之學也噫蓋亦勢不免焉是以一  
日暴之十日寒之所得不勝所失然予獨愛其齋宇  
之精潔竹木之瀟灑溪山前後環繞掩映入其中則  
意思適然而不忍捨去若能久與諸生講道藝日在  
其中其樂如何哉予今不暇矣留以崇寧三年遷橋  
俟後人而興起之庶幾有助於政云

西紹興初火五年尉吳芾始徙臥龍按修學記建廟

設像置講堂兩廡齋館即今址也十五年令趙惇臨

拓基址增五十間林季仲重建縣學記鄉貢進士賈

子而祀初未有學也治平中令焦君千之始為之士

稍知學崇寧舍法行乃自縣東西遷於望來橋之西

距故址百餘步丁君湛鮑君輝寔終始之盜起清溪

蹂數郡茲邑焚燬殆盡學屹然猶存紹興改元一夕

燼於火自是春秋二祭寓於縣治或傳舍僧廬有司

屬額以從事五年尉吳君芾憫之白令丞再遷而南

定卜於隆儒坊於是邑人爭出捐金佐之不數月學

成然儲廩無有也十五年春令趙君下車揖諸生與

謀曰養士而無以為養奈何有喻其意者相率買田

五頃計其日入可食百人又撤淫祠營市舍取餽直

以資之遂斥基址周垣墻辟齋宇貯書籍造器用凡

學之百須罔不具備是宜有記敢請予曰予之邑大

夫廉介自將事無劇易盡心力而為之邑人當有記

之者奚用於予獨不知學之數遷者何也曰學自焦

君以來無一登仕版者人多言其不利予慨然久之

因問曰子之學也為利乎為道乎道不遠人父父子

子兄弟弟夫夫婦婦道即在是矣今世之人惟利

是驚吾為此論誰不笑且怪者抑聞諸夫子曰學也

祿在其中矣蓋學不期祿而祿自至是亦無負於學

者若誦斷簡緝陳言傲倖取科舉一得志棄之如涕

唾無復有顧惜心吾恐未見其利而羞之承矣淳熙

中令袁采重建縣志采築壽朋齋以養老元時尹鄭

玉馮福京師仲信相繼修葺縣志有李至正壬辰兵

燬縣志火延及學宮有翁明洪武初以次修復縣志

元年縣丞袁英建學門兩齋三年令張具瞻建明倫

堂於殿後五年令鄔珏建戟門七年令王仲璋徙明

倫堂於殿東改資深堂建儀門永樂十六年教諭黃

黼建文昌祠宏治八年推官周珙重鼎新焉嘉靖二

十年令歐陽震建名宦鄉賢二祠二十八年殿毀於  
 颶風令楊鑰重建令賀賁踵成之隆慶五年令胡用  
 賓建啟聖祠萬歷間令胡汝寧重修侯一元記畧學  
 校賢士之所自  
 出也南昌胡侯汝寧之為樂清政通人和百廢具興  
 顧聖廟之前楹蠹蝕且傾喟然曰盍改鑿而大之乎  
 于是議一新之第選一官董其役而經費則一從侯  
 出虞時誦也博士戴君廷桂俞君邦韶謂元日侯大  
 才類如是蓋往者縣堂大圯侯亦咄嗟自治之上下  
 晏然也於是樂清之學傾者安而卑者崇黜者聖而  
 隘者且更新而擴之大矣士類欣欣以王忠文之儔  
 且日暮出矣於是兩博士選於眾得梁生可與蔣生  
 國輔李生守楨徐生應類二十一年令張子理復新  
 等綱紀之因使詣予請記  
 之張清明  
 為記舊志天啟間知縣胡良臣修崇正五年明  
 倫堂火令宋光黼重建

國朝康熙十二年令出一駟訓導姜應珪重建

文廟及明倫堂啟聖祠後令徐化民教諭吳讓木建東西

廡訓導王沈重建文昌閣四十九年令陳大年重脩

正殿兩廡雍正十二年令王炳宏重脩教諭周長發

倡建尊經閣乾隆三十年知府李琬督率知縣林人

槐教諭潘輝暨紳士周苞森趙聰銳等倡捐改建

文廟宏敞堅固并增造兩廡修葺儀門啟聖祠文昌閣尊

經閣明倫堂復建資深堂

射圃在縣  
 西隅

名宦祠在廟門左祀宋焦千之袁采元萬邦寧李光  
 明袁英張具瞻鄒珏白文秀陳士舉鮑原宏

朱約林泰鄭信周正管璋宋臣林鉷周傑王俱葛覃  
林有年潘潢童久仁李鑾周于德秦鰲朱潤楊鑰賀  
賁吳年胡用賓黃仁榮沈立義曾應泰宋光黼  
國朝潘明遜劉偉

鄉賢祠 在廟門右祀宋王十朋萬規趙立夫陳求魯  
許世化連世瑜湯建賈如規錢堯卿朱希晦

劉黻侯畱劉祖向劉銓劉鎮王持屋翁敏之林公一  
元李孝光趙次誠明趙新鄭泂范霖鄭夏章綸林遠

南昱陳鈍鄭澤陳斐李倫曾恣張慶朱文簡李頌陳  
士舉陳璋李顯高友璣金翮章元梅侯一元何白趙

嗣薦林有年張崇翰葉世德張德明李光春于元魯  
周策趙濮規 國朝史尊朱

社學 在四隅四所在 鄉都三十四所  
宗晦書院 在縣治東明一統志宋建舊名藝堂書院  
內祀朱文公咸淳中令鄭滌孫改名宗晦

按此地萬歷 舊志未載  
梅溪書院 在縣東隅萬歷志即王忠文祠浙江通志  
國朝雍正丙午知縣唐傳銓改建西門

外置田八十七畝地四十餘  
撥田十四畝乙亥令宋鰲詳  
池塘二所庚辰郡守李琬撥  
令劉翬詳充田四十餘畝遜

鴈山書院 在西內谷縣志明邑人知州朱守宣即天  
在廢寺建立祀王十朋胡彥卿李孝光朱  
希晦章綸謝省謝鐸  
于其中又名七賢祠

圖南塾 舊志在長安鄉宋翁敏之闢學舍請陳潛室  
設教又茗嶼鄉有白石塾錢堯卿所居邑令  
下車必造訪焉又瑞應鄉有萬橋塾  
永康鄉有鹿巖塾係賈元範教授處

瑞安縣儒學 在縣 嘉靖通志 宋初建崇寧間南徙江濱  
治東

政和六年令蔡景初復徙今所 許景衡瑞安縣學記  
崇寧元年有詔郡邑

皆立學置師弟子員錫以餼廩校其行藝升貢之有  
司奔走從事瑞安為溫之支邑廟孔子于縣治之東

而迫隘不足以容多士會聞詔亟徙于南汀之濱山  
川風氣散漫不收潮濤泛濫墻宇圯壞神人靡寧邑

學校 瑞安

學校 瑞安

學校 瑞安

學校 瑞安

學校 瑞安

人願復故址政和五年春具以告郡守劉公從之邑  
 令蔡景初為之規畫而丞張宇發實領教事乃斥舊  
 址廣表三倍撤昔構之卑陋腐敗者凡為重門兩廡  
 殿以嚴像設堂以肄講習廡為齋以處學者累屋為  
 閣以儲經史落成之日稚者和會瞻仰稱嘆邑之來  
 學者日益眾丞善教道士既知勸乃相與伐石請書  
 其事予以為天子立學養士所以明人倫善風俗而  
 為有司者能推而行之可歌也已乃為詩以詒邑人  
 其詩曰在溫之陽表裏山河盤礴逶迤有邑有阿祥  
 禽嘉禾實肇厥名歷唐五季人物無稱祖宗聲教被  
 于四海以迄於今理若有待明明天子生知達孝曰  
 慎爾謀度地鳩材于江之滋嚙千崩濤士氣弗振郡  
 邑惟賢丕從眾志亦有爾丞既心乃事器不求舊維  
 不善故吾以汝遷庶幾復古嘉而多十而父而兄協  
 力并謀不日而成殖殖其庭渠渠其屋像設其中冠  
 冕佩服修幣碩牲於粢豆籩庸告爾成祀享亦虔學  
 者四來十百其輩絃誦洋洋飲食教誨維爾學者興  
 于草萊天子樂育督其成才亦維有司教承德意爰  
 居爰處擴此宏麗咨爾學者學古之道維古善教有

倫有要曰行曰藝庸迪厥功天子作人其止是崇其  
 學維何致知格物反身而誠物我為一匪曰我私推  
 之斯行親親長長而天下平秦漢以來治功蔑然學  
 校弗修斯道不傳明明天子千載有作稽古聖謨以  
 覺後覺咨爾學者欽哉無斁惟道紹興十三年令王  
 是力以成皇極以報天子之休德

閻修淳熙十三年令劉龜從修陳傅良重修瑞安縣

和問右丞許公景衡記蔡侯景初徙置學事紹興十  
 二年數文閣待制宋公之才再記王侯閻修學其推  
 本國家長育與名教之尊山川風俗備矣二公言語  
 至今為人貴愛則二侯固與不朽劉侯龜從今更治  
 學講堂廊廡厨漏皆一新之講堂絕魏壯餘為屋四  
 十楹凡糜錢二十萬而人不知也邦人德侯囑傳良  
 記之顧晚出何敢次二賢之後况侯之政豈必待予  
 文而傳也蓋聞崇寧之際天下之學盛矣提學有官  
 瞻學有賦上之嘉惠諸生甚隆志而有司方以三經  
 造士自春秋不得設科非王氏之說者皆為大禁當  
 是時吾邑已有學置弟子員如龍所然三舍之典無  
 一士能取聲名者始林石介夫先在不為新經以春



秋教授于鄉既而許公與沈公躬行謝公偕同郡諸儒又嘗越數千里外竊從程呂二氏問學於舉八行也四方之士有為繆巧應書者趙公需乃遂巡愧謝不飲充賦郡太守強弗能起後生小子更益自効杰丞務自修飭矣中興新美學校之化嘉惠復古罷三舍還之鄉舉列春秋學使士得各自致其說而無禁諱于是聖天子思所以風厲學士簡求其人首得吾許公以參大政于是婁公寅臺以上虞丞言事即日拜御史他往往布衣召見溫為東南支郡瑞安又屬邑而一日以多亡名天下天下引領慕向之豈不盛哉則吾邑之學視他所為何如也而歲月久浸趨于廢以予所逮聞五經各有師弟子非其經師不輒授人弟子亦不輒詣他經師受業歲時會於學少者拜長者長者平立過市必冠裳款酒不踰三行一人有過眾人切磋言之蓋遺俗也而今亦少異矣劉侯公是先生曾孫也以家學傳縣識所先後又常樂道吾士風之美去之日待士如始至也以所藏春秋權衡意林說例傳錄之學歸自租訪開田將以追舊學之蹟侯之望人厚人亦宜不自薄予故嘉定四誦舊聞表見吾邑學者本末如此以勸後人嘉定四

年知縣黃葵重修

葉適重修瑞安縣學記昔劉君龜從宰瑞安頗修學前記云糜錢二

百萬不薄矣未久已浸敝頽墮級棟扶梁狂岌岌搖動如坐漏舟中邑人以爲大慚頃歲謀于子將自治之子曰止政在有司非鄉民所敢干也此豈佛老氏室廬耶又可釀而就乎嘉定四年黃君葵初領縣賁無贏錄嘆曰吾其舍旃士之職於學者鄭焱陳觀大趣贊曰願盡力費比昔十四而學復壯好如新成焉凡吏之品有三上者以學爲吏其次本於吏而學以飾之下者苟吏無飾也君始至即修學視一邑之政無先于學斯知以學爲吏歟世之論吏亦有上者學成而能教其次雖未能教而以政養民下者無養亦能獸擾之爾若知以學爲吏固不鄙慢其民教與養斯勉而進歟世之論常曰吏必設學而教且養人鼓急不知吏當知自教且自養急顧有甚于人者何也彼雖知以學爲吏燭物之智淺察己之功不深意則以教且養者厚民實則以教且養者病民矣烏得勉而進哉且自一令長以上所關於民殺活成敗不可預測若但監數十人而宮羣數十士而飯而日教養盡是矣何其易也故明恕而多通吏之所以自

教節廉而少欲吏之所以自養少欲則民有餘力多  
通則民有餘情然後推其所以自養者亦養人廉推  
其所以自教者亦教人恕此信義之俗所由起而學  
之道所由明也予既嘉君能重學于先故樂為君繫  
其勉於學  
元元貞元年升州學知州楊承式三寶柱  
者于後

屢加修至正末兵燬明洪武二年復為縣學知縣王

泰魏本劉巍相繼修復萬歷志嘉靖丙午令王士翹

遷文廟於明倫堂左壬子令劉畿建尊經閣名宦鄉

賢二祠元鵠為記萬歷甲申颶風毀儀門東無令章有成

重修已亥令傅道唯修復仍依制後為明倫堂前為

日東南毓秀右日鄒魯蜚聲坊外為橋引城東水入

泮池按儒學舊有四公祠祀梁見川傅明台羅念崖

王湯谷以李靜虛沈枚臣配皆縣志崇正乙亥文廟

大教諭沈君楨倡士民重建通志

國朝順治十四年知縣譚希閔訓導朱綸重修康熙二十

二年教諭王者香率諸生建明倫堂知縣邱啟元范

永益先後助之縣志雍正年颶風壞門邑人捐資重

建乾隆癸亥文諭訓捐造櫺星門戊辰開泮池建橋瑞

安無事而署縣事何森首議開浚教諭陳世

修率紳士捐落成之知府金洪銓有記

泮池在東石堂在廟門外左祀漢蔡邕則齊蕭景宋黃度王

鍾沂張在廟門外右祀宋林石許景衡陳傅良曹瑛

鄉賢祠在廟門外右祀宋沈大廉徐履蔡

溫州府志 卷之十 學 書院附 三

幼學天駭邱何曹叔意善幽項公澤陳淳視薛良  
 貢薛巨顯許景亮陳壽孫王奕林崧孫元吳成夫彭  
 廷堅高明曹稹孫金建陳時敏周樂明季應祈木景  
 芳卓敬在道遜季德基虞厚環黃湖元鄭士達楊景  
 衡其養正曹睦韓偉姜立綱同今陳茂  
 烈何遇鮑原善林得昭李燭毛羽皇

社學 西峴山一公廟原古 慶熙二十四年  
社鄉嘉順鄉各 建千賓學門內

萬松書院 在東門外原一麻嶺寺故址 隆一十七年令周  
門詳請郡守 院前二進每進

五間東為軒各二間 十九年令 置田一十  
二畝五分 為一延師皆以中書待詔沈光天司其事

心極書院 舊在崇善寺 止齋讀書處明  
嘉善寺在崇善寺 惟存止齋祠

仙巖書院 在仙巖寺前 華山書院 在華山寺前  
在仙巖寺前 華山書院 在華山寺前

書塾五處 舊志一塘泉塾在吡池 總宗林介夫以泰  
秋教於鄉及王氏新經 行遊其門者寧不

隱 隱 塾與程昌齊稱一梅潭塾在仙巖宋木孺建  
隱 止齋設教一南山塾在帆遊鄉宋鄭士華建一

龍鳴塾在來暮鄉宋曹絳建  
 宋劉揆建延宗人良貴

平陽縣儒學 在縣東南三里鳳凰山下

南宋元祐間遷鳳凰山下

中南徙安陽去治十里旋  
 復元祐舊址其地為陳彥

才父率族人獻為學基紹  
 定四年王簿吳興祖修葺

又作射亭寶祐四年令陳  
 谷重修 劉居安記 畧駢以

會而橫陽俊秀助興科級  
 宮山川演迤鳳翥鸞翔  
 久以兒士者病之每告  
 至通賦山積符移日旁  
 今令尹陳公下車周  
 且必待請耶况請又不  
 稍暇遂捐俸飭工凡用  
 官不知費殿廡堂無

學職諸生屬予筆之... 無他惟能揆之于心... 不事焉若夫身不下... 同歸於治聖門為教... 其大不而其細可也... 商易邪糾紛從容以... 以氣勢相勝負者猶... 論文賦詩為樂而忘... 櫻鬪道路通溝瀆望... 成輝素用幣豆邊楚... 善大義親為指授春... 宗緒之思居者奉先... 四境然則已無難易... 之則治以君之心合... 年於後山建紫芝閣... 建學廳元至元十八年... 喬大有重建大成殿元...

以勸示不忘德竊謂治邑... 惟之于道而合區區者有... 愛星出人所向雖不同而... 原不論其心不論其迹問... 禮灑落若光風霽月乃能... 來無競邑人化之亦不復... 書廉暇甚時與佳士勝流... 官之尊且尤也至於崇社... 耳之大者靡不舉因學之... 其我峩君於其間敷釋四... 洪聽者登服而又訪孔氏... 以水無陸絃歌之聲達於... 則擾學無大小由景定五... 其亦可尚也已 咸淳元年令程熙翁... 丙戌丞... 又改御書樓 為萬壽閣 元年陞為州學治中夏若

水建講堂直舍至正十五

年知州周嗣德建學置田

明洪武二年復為縣學堂

及厨庫宰牲房天順間

建大成殿兩廡戟門儀

及土嶽重建東西齋倉駁

令王維建明倫堂成化

鑿泮池易道路楊楷立進

安治間令王約建大成

而屢增葺之嘉靖五年令

雲門養賢堂齋舍二十二

彭謹建射圃亭二十七年

劉錄建講堂二十四年令

令張仲孝重修廟廡門祠

廳風殿廡俱壞三十一

平陽修學記平陽故有

室齋亭舍規制大備

鳳山下立孔子廟紹興

得而記云迨宋元始

址元人稍葺因仍未愜

既我明興率先學校規  
 加增飾自是以還垂  
 令高君鏞度材鳩工  
 即事辨方正位而址  
 舉經始於辛亥四月  
 秀據勝舍英毓靈向  
 資視昔有加令乃暨  
 率諸生請予為文以  
 告之曰古者建國君  
 性厚倫敷化而善治  
 制興抑又甚焉雖學  
 校盛衰而况於其他  
 軒輊以示諸生者多  
 置勿論斯其習聞而  
 之意曾若是云云而  
 罔及巍科膺仕反若  
 為古永嘉郡永嘉之  
 槩見既二程子以孔

孟之  
 景順成宏間有司時  
 以地矣嘉靖丙午邑  
 共修以擢御史不果  
 又踰其志簡徒程工  
 戒期民者悉復其故  
 於是廟舍圍環池繞  
 垣次第振名成於壬  
 子九月十日攬巨成  
 於壬子九月十日攬  
 以賢訓導揚九鼎梁  
 介爭予乃晉厥官屬  
 師生而為先何為也  
 哉實以悖俗末漸失  
 古意迨科舉直視科  
 甲多寡以為學第兩  
 浙每至學宮見堂楹  
 第名氏而人品學術  
 咸可知知已不知古  
 人設學以君是也仲  
 尼子輿之徒矣今平  
 陽溫屬邑也溫景山  
 倡之其端倪已可  
 字鳴於河洛于是永  
 嘉之

士若周恭叔鮑商霖許少伊戴明仲陳貴一貴叙與  
 夫劉元承伯仲諸君子皆不遠千里從道於其門而  
 親承指授及有得而歸則又以其學淑諸鄉人唯時  
 若宋廷祐蔣元中陳君舉王龜齡戴少望葉正則陳  
 器之史文璣之屬咸相與講明演繹而正學日熾以  
 昌永嘉於是與鄒魯並稱而淵源堂室至今具在非  
 若學宮之椽桷椳題墁鏤茨蓋其有腐壞且可撤剔  
 而新之乃若是邦先進之學則渾然全具於吾人之  
 心而千載一日人皆可修可復固不假於計工程力  
 役衆集勞而廓如與如可以併矇而容與也由是而  
 出則以其所學行之天下由是而處則以其所學明  
 諸後世將無施而不可矣苟徒知修學而不知修斯  
 學則廟寢巍哉其何以安古昔聖賢之靈輪矣赫奕  
 其何以善吾身心之居乎雖輪魁輩出公孤繼興謂  
 為富貴則有之將以稱於天下後世曰學者則未也  
 予不佞樂茲廟之成而重有感焉願相與懋之無令  
 邑之人指斯學為干進微榮縣新志萬歷癸卯令汪  
 之地斯厚幸矣因書以為記  
 寬改向子午崇正甲子令聶於勤更復舊向癸丁

文建

昌閣於廟後之東旁山

國朝順治庚寅教諭莊麟先修祭器明年與知縣馬騰霄

新廟堂十七年推官嵇宗孟偕教諭嚴有德移泮橋

於儒學門外建大魁閣康熙十二年知縣石金和重

修二十二年知縣吳永申教諭葛殿楨重修二十八

年教諭沈雍修明倫堂乾隆十三年令彭紹堂重建

并建尊經文昌二閣十八年署令金鰲重建大器

射圃在儒學東

名宦祠在廟門左祀宋汪季良陳容范寅孫吳與祖元賈達喬大有周嗣德明柴觀吳韞中張堯

王希禮邵洪道翁煥文朱倬汪伏志章惠劉清王嶽王約楊楷虞靖晏珠吳逢閏馬性魯劉錄馮彬張恕

高鏞岳銓張仲孝唐堯賓劉文王宗茂陳德懋陳英韓珍蕭文吳有涯國朝沈雍

鄉賢祠在廟門右祀宋徐鐸薛昌黃友蔡元康陳經正陳經邦陳彥才宋之才林湜蔡必勝彭

龜年徐誼王自中朱黼朱徽蔡惠周元龜徐儼夫林逢龍應節嚴孔夢斗林景熙鄭樸翁元史伯瞻陳高

童環明徐興祖湯宗陳奎孔鐸鮑輝陳璣呂洪楊諫杜整陳宣童器王朝佐蔡芳鄭文夫徐宗斗章夢瑞

吳寶秀

社學在城六所在鄉五十三所後增三十二所今廢按地志於學宮多畧惟平陽志於學基學田及

社學義塾分弓敦確鑿具載可觀

昆陽書院平陽縣志在嶺門明進士鮑輝家塾舊址後為白蓮堂裔孫鮑王輔于乾隆十三年

獻為義學邑紳劉凌瀚倡捐百金偕衆樂助邑令彭紹堂署令楊兆槐前後構講堂延師訓課置田八十

六畝園二十五畝以資膏火

會文書院

舊通志在南馬蕩宋陳經正經  
邦讀書處朱文公題額今廢

正學書院

舊府志在嶺門嘉靖九年令馮彬建設宋  
元明先賢十一人像十六年推官李夢祥

改名東山  
書院久圯

義塾七處

一鄧林義塾在六都一橫溪義塾在十二  
都一金山義塾在二十都一項橋義塾在  
一梅江義塾在二十八都一環塘義塾在  
一北山義塾在四十二都俱明宏治年里

人好義所置  
見平陽志

泰順縣儒學

在縣嘉靖通志舊在縣西明景泰三年建

邢寬新建泰順縣學記泰順訓導華積遺書詣南京  
官次請曰泰順為邑國朝景泰三年因山寇殄絕巡  
撫大臣與藩臬重臣慮民僻處政教有所不及奏割  
瑞平二邑地以建縣地瘠民貧習多尚氣直而寡文  
郡守王公允推官溫公儀慨然興嘆詢諸知縣郭君  
顯宗王簿徐君福昌典史鄧灝鳩工掄才琢石陶甃

建學於縣治之西作正殿三間殿有像高三十尺廣  
四十尺有奇深如高之數東西廡各七間廡有主大  
成櫺星門各三間明倫堂五間廣加于高深殺於廣  
東西齋亦各七間以及庖廩庫皆繕完之巍然規  
模壯觀丹碧輝煌照耀山溪之間始於景泰六年春  
成於七年夏誠斯文之幸也願求記之嗚呼學校之  
設其來尚矣粵自三代盛時皆為化民善俗之地降  
自漢唐以來治道之隆替亦因是而可以攷見惟聖  
明稽古崇文自京師以至郡邑皆有學學必有政教  
條之施與夫廩餼之豐經籍之頒倦倦垂範養育人  
材亦欲化民善俗而已化民善俗政之本也巡撫大  
臣藩臬重臣郡守佐縣令佐皆學校之士也贊襄籌  
畫從事斯學誠所謂知本者矣泰順在温州稱為文  
物為生徒者能體朝廷之至意與諸大臣之盛心隆  
師親友專務乎學遷善改過以進於德出而為公卿  
為大夫為守令而文章事業有所稱述其父兄耆老  
率其子弟相勸成善興於禮樂孝弟之化洽乎鄉庶  
有以見我聖朝建立學校實諸大臣遠慮深謀之效  
也予雖衰老亦與有光焉

萬歷志

治乙酉推官周

溫州府志

學校

泰順

三

珙令范勉教諭王鑾改遷三峰寺右

潘琴重建泰順縣學記泰順境

與閩接去溫最遠景泰間撫臣建議割瑞平地為邑以分溫郡之政學舊在縣之右未久而圯宏治己酉教諭王君鑾訓導張君瑞疏於督學憲副吳公伯通暨藩臬當道咸允遷之於是溫之推官周侯珙承檄督理偕署印事典史劉君海卜地於鳳凰山之陽位勢軒豁前峰秀立如畫風氣所從龜筮協吉越明年庚戌經始又明年辛亥仲春知縣范君勉下車既而廟庭兩廡告成於是勸富民量助衆心樂應乃鑿山水為泮池于戟門之前而以櫺星門之外為杏壇又以舊學曠地東易三峯僧屋三楹地八畝以廣之飾其學為養賢堂以為會饌之所神厨庫庠師生藏修止息之舍以正以奠大小畢備矣周垣之內其為深者四十一丈廣者二十四丈而其黜堊輪奐皆倍其舊復塑聖賢像士民聚觀相顧動色以為昔所未有侯之心亦至矣雖然予嘗審其舊學創始非不善室宇非不廣且備顧未久而廢何也蓋常人之情始則銳終則怠暫則公久則私怠且私則苟且繼之矣惡

乎其不廢也侯受鄉薦歷斯職為政知先務率人以公不急不徐區畫井井董作教護無間終始故其績悉畢至務在堅密久遠直欲使建學興教之功與士之學於斯者顧瞻興懷篤學砥行相與為無窮則侯之所以報國家者大而士之所以德侯者深矣越明年王子功成而落之庠生劉鏗輩咸願紀成績以永邦人之思王氏陞宇二生造予請言以勤諸石嘉其善而樂道之嘉靖十年令劉友

德以舊軍營地易太平橋王賓王寵住基遷學三十

三年令蔡芝以學後無主山又以學地與三峰寺易

因寺為學宮殿廡齋舍規制俱完隆慶三年今吳敦

本建名宦鄉賢祠又建土地祠宰牲房崇報祠以祠

前空地為射圃縣志萬歷辛丑知縣張道統始改今

所孫茂弘繼成之

劉光復三遷泰順縣儒學記泰邑在景泰初為栝冠窳逋盤據之所



維時洪都德興孫原貞公撫浙躬率兵而采入其阻  
 耀德明威奏割瑞平二邑之里設立泰順縣建學弘  
 化頌成樂土縣在山僻學址二遷俱未妥歲庚子視  
 縣治之南水遶山迴卜云其吉前任吳門張公工始  
 興而輒去今洎宗孫公繼之即原貞公六世孫也得  
 是邑而喜曰泰邑先公所創立泰民先靈所培植報  
 國率祖其在茲行乎見黌官未就捐資以佐緩急士  
 民德公無不子來趨事踰年而殿廡堂舍暨櫺星坊  
 表泮沼墻垣靡不煥然改觀予惟原貞公之寧亂奠  
 渤海不能過也洎宗公之重學蜀文翁未多讓也祖  
 孫踵武澤以世長  
 宜民之不能忘也

國朝康熙九年知縣林天楨訓導金鉉度重建明倫堂四

十年知縣曹紳訓導吳若庚重修

先師廟六十年知縣張士驤教諭汪龍源訓導朱厥重建

名宦鄉賢土地三祠按乾隆五年署縣事何森重修

先師廟

射圃 在縣東

名宦祠 在廟門外左祀明郭顯宗范勉葉旭  
 劉桐劉友德徐福昌熊相華楨區益

鄉賢祠 在廟門外右祀宋林待聘徐震林  
 拱辰吳駟徐履林逢龍明周良武

社學 一十二所在一都二都各一在三都二  
 在五都三在六都七都各二在八都一

羅陽書院 舊在城隍廟南地軸山下明嘉靖十一年  
 推官魏一恭令劉友德建後燬於倭四十

一年令區益重修隆慶己巳令王克家復開拓鼎新  
 之邑人張慶賜有記後廢

國朝乾隆十九年令楊人傑教諭黃起建書院於學宮右

赤砂之左而仍舊名以邑有東安寺田析其三之一  
 歸公典復請於道府報可至丙子夏工竣楊有增設

義學田記黃有重建書院記地軒爽視城南故址遠  
 勝之一時人士  
 有八景倡和詩

中村書院

在三都庫村宅前巷口宋淳祐中計議吳子長建又相近有侯林書院武畧郎吳子

益建縣志俱久廢址存

玉環以新設尙未立學

乾隆二十年巡道朱椿以玉環田地日闕生齒倍繁士亦漸知

慕學率同知詳請附入温州府學歲科額定入學數目文生員四名武生二名

溫州府志學校卷之七終

